



MILLIY TIKLANISH

10 (331)

2015 йил 11 март, чоршанба

Ўзбекистон "Миллий тикланиш" демократик партиясининг ижтимоий-сиёсий газетаси

ЎЗМТДП — www.mt.uz Тахририят — www.milliytiklanish.uz

2008 йил 30 октябрдан чиқа бошлаган



Сайловга ҳозирлик кўриш
Ўзбекистон "Миллий тикланиш"
демократик партиясининг
марказий ва барча ҳудудий
ташкilotи қошида ташкил
этилган сайлов штабларида
ҳам жадал суръатларда
кечаяпти

3

САЙЛОВ — 2015



Конун лойиҳасида кўзда
тутилган нормалар
мамлакатимизда акциядорлик
жамияти шаклидаги маҳаллий
ишлаб чиқарувчиларнинг
самарали фаолиятини
таъминлашга хизмат
қилади

5

ДЕПУТАТЛИК
БИРЛАШМАЛАРИ

Ўлмас маданиятимиз ва
санъатимизни ўзида жо этган
нодир экспонатлар ёш авлодни
дунёқараши кенг, мустақил
фикрлайдиган, Ватанимиз ва
халқимизга содиқ, комил
инсонлар этиб тарбиялашда
муҳим ўрин тутати

8

КЎЗГУ

Юзма-юз



Сайловолди учрашуви

очиқ ва ошкора, сайловчилар фаоллигида ўтмоқда

Мамлакатимизнинг барча ҳудудида Ўзбекистон Республикаси Президенти сайловининг энг муҳим босқичи — сайловолди ташвиқоти қизғин давом этмоқда. Ўзбекистон Республикаси Марказий сайлов комиссияси сайлов кампанияси даврида Президентликка номзодларнинг сайловолди ташвиқоти тўғрисидаги қарорига асосан, Президентликка номзодлар жойларда сайловчилар билан юзма-юз мулоқотда бўлишмоқда.

Ўзбекистон "Миллий тикланиш" демократик партиясидан Президентликка номзод Акмал Саидов Самарқанд вилояти сайловчилари билан учрашди.

Учрашувни Ўзбекистон Республикаси Президенти сайловини ўтказувчи 7-Самарқанд округ сайлов комиссияси раиси Я.Аллаёров очди. Президентликка номзоднинг ишончли вакили А.Пардаев йиғилганларни номзоднинг таржimaiи ҳоли билан таништирди.

Ўзбекистон Республикаси Пре-

зидентлигига номзод Акмал Саидов ўз сайловолди дастурининг муҳим йўналишлари ҳақида тўхталар экан, аввало, Самарқанднинг меҳмондўст халқи, жаҳон тамаддуни бешиги саналган тарихи ва бугунги замонавий қиёфасига эътибор қаратди.

— Самарқанд, аввало, меҳнатсевар ва меҳмондўстлиги билан, бағрида юздан ортиқ миллат ва элат вакиллари ягона оила бўлиб яшайдиган маскан сифатида ҳар қандай одамни ўзига мафтун этади, — деди

Акмал Саидов. — Бу диёрнинг ўзига хос яна бир хусусияти — бу ерда турли даврларда барпо этилган кўплаб тарихий-меъморий обидалар, айниқса, Регистон ва Шоҳизинда ансамбли, Амир Темур, Хўжа Дониёр ва Имом Мотуридий мақбараси, Бибиҳоним жомеъ масжиди, Хўжа Аҳрор ва Ҳазрати Хизр масжиди, Чор Чинор ва Ҳазрати Довуд зиёратгоҳи, Афросиёб музейи, Улғубек расадхонаси, Нодир девонбеги мадрасаси каби қадимий ёдгорликлар халқимизнинг юксак меъморлик санъати, ажодларимизнинг яратувчанлик салоҳиятидан яққол далолат беради. Бундай тарихий-меъморий ёдгорликлар нафақат Самарқанд шаҳри, балки вилоятнинг бошқа шаҳар ва туманларида ҳам жуда кўп учрайди.

Самарқанд азал-азалдан им-маърифат, маданият маркази сифатида

бугун дунёда шухрат қозongan. Бу муқаддас заминда Имом Бухорий, Имом Мотуридий, Бурхониддин Марғиноний, Мир Саййид Барака, Хўжа Аҳрор Валий, Маҳдуми Аъзам каби улғу алломалар ва азиз-авлиёлар мангу ором топган. Унинг оламга машҳур мадрасаларида Қозизода Румий, Ғиёсиддин Жамшид, Али Қўшчи сингари буюк алломалар сабоқ берган бўлса, мавлоно Абдурахмон Жомий, Ҳазрат Алишер Навоий каби улғу зотлар таълим олган.

Шу билан бирга, Самарқандда камол топган Мирзо Улғубек, Абулайс Самарқандий, Абдураззоқ Самарқандий, Сўфи Оллоёр, Тоҳирхўжа Самарқандий, Маҳмудхўжа Бехбудий сингари илм ва маърифат намояндлари юртимиз шухратини бугун дунёга тараннум этганлар.

2-бет

Фракция ҳаёти

Ҳисоб палатасининг фаолияти

бюджет маблағларидан самарали фойдаланишни таъминлашда муҳим ўрин тутати



Ўзбекистон Республикаси Олий Мажлиси Қонунчилик палатасидаги ЎЗМТДП фракциясининг йиғилиши бўлиб ўтди. Фракция аъзолари, тегишли вазирлик ва идоралар мутасаддилари, эксперт ва мутахассислар ҳамда оммавий ахборот воситалари вакиллари иштирок этган йиғилишни Олий Мажлис Қонунчилик палатаси Спикери ўринбосари, фракция раҳбари Сарвар Отамуратов олиб борди.

Мажлисида "Ўзбекистон Республикаси Ҳисоб палатасининг 2014 йилги фаолияти юзасидан ҳисоботи тўғрисида"ги масала муҳокама қилинди. Ҳисоб палатасининг иш фаолияти 2014 йилга белгиланган берилган мамлакатни ижтимоий-иқтисодий ривожлантиришнинг энг муҳим устувор йўналишларига қаратилган. Иқтисодиётни барқарор ривожлантириш, унинг рақобатбардошлигини ошириш учун таркибий ўзгартириш жараёнларини чуқурлаштириш, ишлаб чиқаришни модернизация қилиш, техник ва технологик қайта жиҳозлаш борасидаги сиёсатни амалга ошириш, аҳоли бандлигини таъминлаш, молиявий ресурслардан тежамли, самарали ва мақсадли фойдаланиш каби вазифалар шулар жумласидандир.

5-бет

Сайлов — 2015

ЎЗМТДП сайлов штабида учрашув

2015 йил 4 март кuni Ўзбекистон "Миллий тикланиш" демократик партияси сайлов штабида Ўзбекистон Республикаси Президенти сайловини ўтказувчи 7-Самарқанд округ сайлов комиссияси раиси Я.Аллаёров очди. Президентликка номзоднинг ишончли вакили А.Пардаев йиғилганларни номзоднинг таржimaiи ҳоли билан таништирди.



6-бет

Сана

Аёллари эъзозланган юрт

ёхуд истиклол имкониятларининг
ЎЗМТДП хотин-қизлари
фаолиятидаги рўёби

6-бет



«Milliy tiklanish»
газетасини
www.milliytiklanish.uz
сайтида ҳам ўқинг!

Сайловчилар ҳузарида

Сайловлар мамлакатимизда демократик ислохотларни янада чуқурлаштириш ва фуқаролик жамиятини ривожлантиришнинг муҳим омили саналади. Мамлакатимизда изчил давом этаётган демократик янгиланиш жараёнида сайлов тизимининг умумэтироф этилган норма ва принципларга мослаштирилгани, ҳуқуқий асос ва механизмлари такомиллаштирилгани сайловларнинг демократик тамойиллар асосида ўтишига замин яратмоқда.

Ишончли вакиллар

ЎЗМТДПдан кўрсатилган номзод сайловолди дастури тарғиботида фаол иштирок этмоқда

Сайлов тизимига "ваколатли вакил", "ишончли вакил" каби институтларнинг киритилиши, сайлов қонунчилигида уларнинг ҳуқуқ ва ваколатлари мустаҳкамлангани, сайловчиларнинг бу жараёндаги фаоллиги фуқароларнинг жамият ва давлат ишларини бошқаришда бевосита ҳамда ўз вакиллари орқали иштирок этиш ҳуқуқини кафолатлайди.

4-бет



"Milliy tiklanish" газетасига обуна бўлинг!

Нашр кўрсаткичи — 158



Юзма-юз



Сайловолди учрашуви

очик ва ошкора, сайловчилар фаоллигида ўтмоқда

(Давоми.
Бошланиши 1-бетда)

Самарқанднинг маънавий-маърифий салоҳияти ва тарихий нуфузи истиклол шарофати билан бугунги кунда ҳам тобора юксалиб бормоқда. Вилоятда еттига олий ўқув юрти ҳамда Ўзбекистон Фанлар академиясининг Археология институти, ЮНЕСКОнинг Марказий Осиё тадқиқотлари халқаро институти каби илмий муассасалар ишлаб турибди.

Шунингдек, ушбу кутлуг масканга меҳнати сингган, илм-маърифат йўлида ҳалол меҳнат қилган Абдурауф Фитрат, Садриддин Айний, Абдурахмон Саъдий, Иброҳим Мўминов, Воҳид Абдуллаев, Худойберди Дониёров, Нуриддин Шукров сингари инсонларни ҳурмат билан тилга олишга бурчлимиз.

Самарқанд заминидида бугунги кунда ҳам юзлаб атоқли олимлар, шоир ва адиблар, санъаткор ва спортчилар маданиятимиз ривожига салмоқли ҳисса қўшмоқдалар. Бу заминнинг жаҳон илму фани, маданияти ва санъати ривожига қўшган улкан ҳиссаси истиклол йилларида юртимизда муносиб баҳоланмоқда. Самарқанд шаҳри 1996 йили Амир Темури ордени билан тақдирланди.

Шунингдек, ЮНЕСКО шафелигида азим шарҳнинг 2750 йиллик, улуг аллома Имом Мотуридий ҳазратлари таваллудининг 1130 йиллик тўйлари кенг миқёсда нишонланди. Бу ерда 1997 йилдан буён ҳар икки йилда “Шарқ тароналари” халқаро фестивали ўтказиб келинмоқда. Бир сўз билан айтганда, мана шундай буюк тарихи ва улуг инсонлари, азалий ва юксак

Азамат ПАРДАЕВ,
ЎзМТДПдан Президентликка
номзоднинг ишончли вакили:

— Самарқанд вилояти сайловчилари билан мулоқот очик ва ошкора, сайловчилар фаоллиги остида ўтди. Президентликка номзоднинг сайловолди дастури ўзининг қатор жиҳатлари билан аҳамиятга молик. Дастурда ижтимоий-сиёсий, маънавий-маърифий, иқтисодий, ҳуқуқий, ахборот ва халқаро йўналишлардаги қатор мақсад ва вазифаларга мамлакатимиз миллий манфаатлари, миллий қадриятларимиздан келиб чиқиб ёндашилган. Айниқса, ёшларни миллий ўзликини англаш ва ёшларни тарихий, миллий қадриятларимизга ҳурмат руҳида тарбиялаш, халқимизнинг маданий, тарихий ва интеллектуал меросини кўз қорачигидек асраб-авайлашга қаратилган вазифалар бугунги шиддат билан ривожланиб, ўзгариб бораётган глобаллашув даврида долзарб аҳамиятга эга.

Умрзоқ НАЗАРОВ,
ёш сайловчи:

— Бу йил мен ҳам бошқа тенгдошларим сингари сайловда биринчи марта овоз бераман. Юртимиздаги муҳим сиёсий жараён — Президент сайловида иштирок этиш ҳуқуқига эга бўлганим бу жараёнларга қизиқишимни янада оширди. Номзодларнинг айна кунларда қизғин паллага кирган сайловолди ташвиқотлари, сайловчилар билан учрашувларини кузатиб, мамлакатимизда сиёсий партиялар ўртасида соғлом рақобат пайдо бўлганига амин бўлиш мумкин. ЎзМТДПдан Президентликка номзод Акмал Саидовнинг сайловолди дастурида белгиланган мамлакатни демократик янгилаш ва модернизация қилиш борасидаги қатор мақсад ва вазифалар миллий қадриятларимиз, урф-одатларимиз ва анъаналаримиз билан уйғун ва ҳамоҳанг. Дастурда илгари сурилган гоёлар, айниқса, навқирон авлод тарбиясига муносиб ҳисса қўшиш борасидаги мақсад ва вазифалар устувор йўналишлардан қилиб белгилангани ҳеч бир фуқарони бефарқ қолдирмайди.

Шоҳида ДАМАНОВА,
“Milliy tiklanish” мухбири



Сайлов ва ёшлар

Ҳаяжон, масъулият ва ишонч

сайловда илк бор иштирок этаётган ёшлар фаоллигида Ватан, халқ тақдирига дахлдорлик туйғуси яққол намоён бўлмоқда

Илм-фан жамиятини баркамоллик, бахт-саодат ва тараққиётга етакловчи энг муҳим омиллардан биридир. Бунга дунё тарихидан қўллаб-қўллаб келтириш мумкин. Утмишда яшаб ижод қилган улуг мутафаккирларимизнинг ибратли ҳаёти, серқирра фаолияти, илм-фан ривожига йўлдаги оламшумул ишлари ҳамон жаҳон аҳлини ҳайратга солиб келмоқда. Буюк аждодларимиз Мусо ал-Хоразмий, Беруний, Ибн Сино, Маҳмуд аз-Замахшарий сингари алломаларимиз нафақат жаҳон илм-фани тараққиёти, балки ўзлари яшаётган жамият ривожига ҳам улкан ҳисса қўшганлар.



Захро АЛИЕВА,
Бухоро давлат университети талабаси,
француз тили бўйича республика
фан олимпиадаси совриндори:

— Француз ёзувчилари О.Балзак, В.Гюго, А.Камю каби ижодкорлар асарларини аслиятда ўқиганман. Мазкур китоблар менга уларнинг нафақат

ёзувчи сифатидаги янги қирраларини, балки француз тили жоизбасини янада чуқурроқ ҳис этишимга ёрдам берди. Келажакда бу асарларни ўзбек тилига таржима қилиш билан бир қаторда, ўзбек адибларининг асарларини ҳам француз тилига таржима қилишни ва мамлакатимиз адабиётини яна бир бор дунёга танитишга ҳисса қўишни ният қилганман.

Мамлакатимизда чет тилларини ўрганишга давлат миқёсида эътибор қаратилаётгани юртимизда ёшларнинг хорижий тилларни ўзлаштиришга бўлган

қизиқишларини янада оширди. Инчунин, Бухоро давлат университетида ҳам француз тилини чуқур биладиган ўғил-қизлар талай. Қувонарлиси, улар қўшимча равишда инглиз, немис ва шарқ тилларидан бири-ни ҳам мукаммал ўрганишга ҳаракат қилишмоқда. Натижада жуда кўп раб тенгдошларим хорижий тиллар бўйича билимларини мустаҳкамлаш учун ўқишларини чет элларда давом эттиришмоқда. Мен ҳам француз тили бўйича жорий этилган халқаро “Бурже” стипендиясини қўлга киритиб, ма-

гистратурани Францияда ўқишни ният қилганман.

Юртимиз ёшларига яратилган ана шундай улкан имкониятлар, уларнинг илмий фаолияти, иқтидори ва изланишларини юзга чиқаришга кенг миқёсда эътибор қаратилаётгани мен каби ёшларнинг бугунги ютуқларимизда муҳим аҳамият касб этади.

Шу йил 29 март куни бўлиб ўтадиган Ўзбекистон Республикаси Президенти сайловида юртимизда яратилган ана шундай имкониятлар, тинчлик ва оқсоишталик ҳамда мусаффо осмонимиз учун овоз бераман!

Севара АСЛОНОВА,
Навоий педагогика институти талабаси, Алишер Навоий
номидаги давлат стипендияси совриндори:



— “Ёшларда ижтимоий масъулият ҳиссини шакллантиришда маданий мероснинг ўрни” мавзусидаги илмий изланишим Ўзбекистон “Миллий тикланиш” демократик партиясининг мақсад-вазифаларига ҳамоҳанг. Чунки мазкур партия ёшларни миллий қадриятлар, урф-одат ва анъаналарга чуқур ҳурмат руҳида тарбиялашни миллий тараққиётнинг энг муҳим омил сифатида қарайди. Шунинг учун мен ЎзМТДПга аъзо бўлдим. Энди ўз қарашларимни сиёсий партия нуктаи-назаридан кенг жамоатчиликка тушунтиришим мумкин.


Илмий тадқиқотимда ёшлар тарбиясида маданий меросимиз ва аждодларимизнинг илм-фан ривожига қўшган ҳиссасини ёш авлод онгига сингдириш муҳим аҳамият касб эти-

шини исботлашга ҳаракат қилганман. Зеро, тарихий, маданий ва илмий-интеллектуал меросини кўз қорачигидек асраб-авайлаш, бойитиш ва уларни янада кўпайтиришга кўмаклашиш, ўзбек халқининг бой тарихи ва маданиятини ўрганиш, ушбу бойликларни камол топиб келаётган ёш авлод ўртасида кенг миқёсда тарғиб этиш ёшларда тарихий мерос ва халқ анъаналарига чуқур ҳурмат-эҳтиром уйғотида. Бунинг учун эса ёшларда, энг аввало, буюк аждодларимиз илмий-маънавий меросини ўрганиш ва шонли тарихимиз билан фахрланиш туйғусини шакллантириш зарур. Ўзбекистон тарихининг кенг миқёсда изчил ўрганилишини таъминлаш, бу борада тари-

хийлик ва ҳолислик тамойилларига қатъий амал қилиш, ўзбек халқининг тарихи ва ҳозирги кундаги ҳаётига баҳо беришда бирёклама ёндашувларга, ноҳолисликка йўл қўймайлиқ, юртимиз тарихини бузиб, сохталаштириб талқин этишларга нисбатан қарши кураш олиб бориш, халқаро жамоатчилик диққат-эътиборига Ўзбекистоннинг тарихий ўтмишига доир ҳаққоний ҳақиқатларни етказиш мен каби тарихчи ёшларнинг биринчи галдаги вазифамиздир. Зеро, ўз тарихи билан фахрланмайдиган халқнинг истиқболи йўқ. Мен мамлакатимизда тарихимизни қадрлаш, ота-боболаримиздан бизга мерос бўлиб келаётган урф-одат ва анъаналарни эъозлаш, улуг бобока-

лонларимиз ва қомусий алломаларимиз илмий-адабий меросини асраш бўйича олиб борилаётган давлат сиёсатини қўллаб-қувватлайман. Бўлажак сайловда ана шу ислохотлар ва иқтидорли ёшларга қаратилаётган давлат сиёсати даражасидаги ғамхўрликнинг давомийлиги учун овоз бераман.

Сухроб ЖўРАҚУЛОВ,
Бухоро давлат университети қошидаги 3-Қорақўл академик лицейи ўқувчиси,
математика фанидан халқаро олимпиада совриндори:



— Қорақўл туманидаги академик лицей истиклол шарофати ўларок, наинки мамлака-

тимизда, балки жаҳонга танилди. Бугунгача бу таълим даргоҳидан ўнлаб жаҳон, юзлаб халқаро ва республика фан олимпиадалари совриндорлари етишиб чиқди. Улар жаҳон илм-фан жамоатчилигига мамлакатимиз ёшларининг илмий салоҳияти нақадар юксак эканини исботлаб келишмоқда.

Мен ҳам яқинда Қозоғистонда бўлиб ўтган Жауғиков халқаро олимпиадасида бронза медалини қўлга киритдим. Математика фани бўйича 2005 йилдан буён узлуксиз ўтказиб кели-

наётган мазкур фан олимпиадасида дунёнинг 15 мамлакатидан вакиллар иштирок этди. Олимпиадада қатнашган Қорақўл академик лицейининг яна бир ўқувчиси Жамшид Яхшиев ҳам мусобақанинг қумуш медали билан тақдирланди. Айни кунларда Таиландда математика фанидан бўлиб ўтадиган жаҳон олимпиадасига тайёргарлик кўраётган.

Имкониятдан фойдаланиб, мамлакатимизда таълим соҳасида олиб борилаётган ислохотлар, иқтидорли ёшларни рағбатлантиришга қаратилаётган чора-тад-

бирлар ёшларни янги марралар сари руҳлантираётганини таъкидлашни истардим. Айниқса, республика ва жаҳон олимпиадалари совриндорларига олий ўқув юртиларига киришда имтиёз жорий этилгани, уларни ўзлари севган йўналишларда таълим олишларининг кафолатлангани биз ёшлар учун катта имконият эканини бугун яққол ҳис қилиб турибмиз. Мамлакатимизда 29 март куни бўлиб ўтадиган Ўзбекистон Республикаси Президенти сайловида ана шу имтиёзларнинг бардавтомлиги учун овоз бераман.

Шалола АЗИЗОВА,
Тошкент давлат юридик университети талабаси:

— Айни пайтда мамлакатимизда Ўзбекистон Республикаси Президенти сайловини юқоридаражада ўтказиш учун жадал тайёргарлик ишлари олиб борилмоқда. Хусусан, Президентликка номзод ва улар ишончли вакилларининг сайловолди учрашувлари, қизғин руҳда ўтмоқда. Учрашувларда фуқаролар фаол иштирок этиб, ҳудудларни ижтимоий-иқтисодий ривожлантириш бўйича ўзларининг таклиф-мулоҳазаларини билдиришмоқда. Бу фуқароларимизнинг сиёсий фаоллиги йилдан-йилга ошиб бораётганидан далолатдир.

Жойларда ўтказилаётган учрашувлар сиёсий жараёнларга илк бор иштирок этаётган

ёшларнинг ҳуқуқий савиясини оширишга ҳам хизмат қилмоқда. Улар ўз овозлари мамлакатнинг эртанги куни, порлоқ келажиги учун муҳим аҳамият касб этишини янада теран англашмоқда. Юртимизда ўтказилаётган Президент сайлови демократик талабларга мос, халқаро ҳуқуқий меъёрларга тўла жавоб беришига ишончимиз комил.

Мамлакатимизда сайловлар тенглик, очиклик ва ошқоралик тамойилларига мос ўтаётганини миллий сайлов қончилигимизнинг йилдан-йилга такомиллашиб бораётгани билан ҳам изоҳлаш мумкин. Чунки истиқлол йилларида мамлакатимизда сайлов тизимини демократлаштириш,

умумэтироф этилган халқаро норма ва принципларга мослаштириш, фуқароларнинг сайлаш ва сайланиш ҳуқуқини кафолатлаш устувор аҳамият касб этмоқда. Миллий сайлов тизимига “ваколатли вакил”, “ишончли вакил” сингари ҳуқуқий механизмларнинг жорий этилгани ва ваколатларнинг кенгайиши сайловларнинг халқаро андозаларга мос равишда ўтишини таъминламоқда. Мамлакатимизда демократиянинг энг муҳим шакли бўлган сайлов тизимининг мукамаллиги фуқароларнинг конституцион ҳуқуқлари таъминланганидан далолат беради.

Бир сўз билан айтганда, сайлов кунини ҳаяжон билан кут-



моқдаман. 29 март куни бўлиб ўтадиган Ўзбекистон Республикаси Президенти сайловида ўзим муносиб деб топган номзодга овоз бераман.

Ҳасан САЛОМОВ,
“Milliy tiklanish” мухбири

МИЛЛИЙ ТИКЛАНИШДАН МИЛЛИЙ ЮКСАЛИШ САРИ!



2015 ЙИЛ 29 МАРТ, ЯКШАНБА – ЎЗБЕКИСТОН
РЕСПУБЛИКАСИ ПРЕЗИДЕНТИ САЙЛОВИ КУНИ

ЎЗБЕКИСТОН «МИЛЛИЙ ТИКЛАНИШ» ДЕМОКРАТИК ПАРТИЯСИДАН
НОМЗОД АКМАЛ САИДОВГА ОВОЗ БЕРИНГ!



Сайёҳлик

Миллий туризм ривожини

мамлакатимиз тараққиёти, халқимиз фаровонлигига хизмат қилади



Ватанимиз бой тарих ва ноёб маданий меросга эга. Бу эса мамлакатимизда ҳали улкан салоҳияти тўлиқ ишга солинмаган туризм индустриясини ривожлантириш, юртимизни жаҳон туризм марказларидан бирига айлантириш имконини беради.

Туризм — иқтисодий ривожлантириш жараёнини тезлаштирувчи омил бўлиб, иқтисодий ва ижтимоий муаммолар ечимида муҳим ўрин тутди. Қўшимча иш ўринлари яратилиши, аҳоли бандлигини ошириш, юрт фаровонлигини юксалтиришда сайёҳликнинг ўрни бекиёс. Ўтган қисқа давр мобайнида Ўзбекистонда туризм соҳасини тартибга солувчи зарур ҳуқуқий-меъёрий асос яратилди, унинг инфратузилмасини ривожлантириш, миллий қадриятларни қўз қорачиқдек асраб-авайлаш, маданий мерос объектларини тиклаш ва таъмирлаш, ободонлаштириш бўйича кенг миқёсли чора-тадбирлар тизимли ва изчил амалга оширилмоқда. Мамлакатимизда ҳукм сураётган тинчлик ва осойишталик, гузал табиятимиз, бағрикенг ва меҳмондўст халқимиз бунда муҳим омил бўлмоқда. Натижада, бутун дунёдан ташриф буюраётган сайёҳлар оқими кўпайлмоқда.

Айни кунда мамлакатимизда хорижий сайёҳларни муносиб қўтиб олиш учун барча замонавий шарт-шароитлар яратилган. Жумладан, 550 туроператорлик ва агентлик, беш юз меҳмонхона фаолият кўрсатмоқда. Охириги саккиз йилда ўн уч мингдан зиёд сайёҳларни қабул қилиш имконига эга уч юздан ортқ хусусий меҳмонхоналар қўрилди.

Сайёҳларнинг узоғини яқин қиладиган транспорт хизмати ҳам йилдан йилга тақомиллашиб бормоқда. Хусусан, пойтахтимиздаги "Тошкент" халқаро аэропорти дунёнинг қирқдан ортқ мамлакатларидан ўнлаб ҳаво кемаларини қабул қилади. "Ўзбекистон ҳаво йўллари" миллий авиакомпанияси "Боинг-757", "Боинг-767", "Аэробус А-320" ва бошқа замонавий самолётлар билан таъминланди. Бугунги кунда юртимизда 11 халқаро аэропорт фаолият юртимокда.

Испаниянинг "Талго" компаниясида ишлаб чиқарилган юқори тезликда юрвчи "Афросиёб" поездларида Тошкент-Самарқанд-Тошкент йўналишида сайёҳларга энг юқори даражада хизмат кўрсатилмоқда. Яқин вақтларда худди шундай замонавий

поездлар Бухоро шаҳрига ҳам етиб боради. Фарғона водийсига довол орқали темир йўл линиясининг ўтказилиши сайёҳлик маршрутларини янада кенгайтиради.

Нафақат дунё сайёҳлари, балки юртдошларимиз учун ҳам қимматли бўлган халқ амалий санъати дурдоналари — совғалар тайёрлаш бўйича ишлаб чиқариш тизими шакллантирилди. Бу борада беш юздан ортқ корхонанинг маҳсулотлари дунё бўйлаб тарқалаётганлиги қувонарли ҳолдир. Умуман, туризм инфраструктураси ва туристик хизматлар кўрсатиш даражасини ошириш борасида амалга оширилган ишлар натижада туризм ва сайёҳлик бўйича Жаҳон кенгаши (WTTC) томонидан 2012 йилда Ўзбекистон туризм соҳаси жадал ривожланиб бораётган илғор давлатлар қаторида эътироф этилди.

Мамлакатимиз тарихий қадимжолари кўплиги бўйича дунёдаги етакчи ўн давлат қаторида туради. Шундай экан, хорижда ҳам меҳмонлар учун мамлакатимизнинг халқаро нуфузини ошириш, мафтункорлигини намоён этиш долзарб вазифадир. Яъни, юртимиздаги мавжуд бебаҳо тарихий обидалар, архитектура ёдгорликлари, очик осмон остидаги музейларимиз, ўзига хос бетакрор экзотизмларимиз ҳақида кўпроқ маълумот беришимиз, дунё бўйлаб уларни қўз-қўз қилишимиз, бир сўз билан айтганда, замонавий сайёҳлик менежментини янада ривожлантиришимиз зарур.

Бу борада бир қатор самарали ишлар амалга оширилмоқда. Жумладан, 1995 йилдан буён мунтазам равишда ўтказиб келинётган "Ипак йўлида туризм" Тошкент халқаро сайёҳлик кўргазмаси хорижий экспертлар томонидан илғор халқаро тадбир даражасида қабул қилинди, БМТнинг Жаҳон туризм ташкилоти томонидан юқори баҳоланди. Ўтган йилнинг октябрида йигирманич "Ипак йўлида туризм" халқаро сайёҳлик кўргазмаси ўтказилди.

2013 йилдан бошлаб халқимизнинг миллий меросини халқаро ҳамжамиятга кенг тарғиб этиш, юртимизга хорижий сайёҳлар оқимини жалб қилиш мақсадида ҳар йили баҳорда янги халқаро тадбир — "Дам

олиш дунёси" Ўзбек халқаро туристик кўргазмаси фаолияти йўлга қўйилди.

Мамлакатимизда 2011 йилдан буён "Мега-инфо-тур" лойиҳаси амалга оширилмоқда. Мазкур лойиҳа доирасида хориж оммавий ахборот воситалари ва сайёҳлик ташкилотлари вакиллари Ўзбекистон бўйлаб бепул танишув саёҳатини амалга ошириш имкониятига эга бўлмоқдалар. Лойиҳа йилнинг март, июнь, август ва ноябрь ойларида ўтказилади. Ўтган йили ўнда 25 мамлакатдан келган уч юздан ортқ оммавий ахборот воситалари ходимлари ва сайёҳлик компаниялар вакиллари иштирок этдилар.

Мамлакатимизда миллий туризмни ривожлантиришда халқаро ва ички кўргазмалар билан бирга, замонавий ахборот технологияларидан кенг фойдаланиш ҳам ўз самарасини бермоқда. "Ўзбектуризм" миллий компаниясининг welcome uzbekistan.uz веб-сайти ишга туширилиши сайёҳлик компаниялари ва саёҳатга чиқисини хоҳлаганлар учун исталган вақтда юртимиздаги тарихий обидалар, сайёҳлик йўналишлари, гид ва таржимонлар, тарих, география, иқлим, халқ ҳунармандчилиги, маданият, урф-одатлар, ўсимликлар ва ҳайвонот дунёси, ресторан ва музейлар ҳамда бошқа зарур маълумотларни олиш имкониятини беради.

2014 йилдан Ўзбекистоннинг туризм салоҳияти Европа телеканаллари орқали ҳам тарғиб этилмоқда. Натижада мамлакатимизга келаётган сайёҳлар сафи йилдан-йилга кенгайиб бораёттир.

Ўзбекистон "Миллий тикланиш" демократик партияси туризм соҳасида амалга оширилаётган ислохотларни қўллаб-қувватлаган ҳолда мамлакатимизда миллий туризмни ривожлантиришга алоҳида эътибор қаратади. Партия туризм Ўзбекистон халқининг ноёб маънавий бойлиги ва тарихий меросини тарғиб этиш, бу бойлиқнинг жаҳон ҳамжамияти томонидан умумбашариёт тарихий меросининг ажралмас бир қисми сифатида тан олинishi, мамлакатнинг халқаро майдондаги нуфузини шакллантиришда, фуқароларни миллий ғурур ҳамда ватанпарварлик руҳида тарбиялашда самарали восита бўлиб хизмат қилади, деб ҳисоблайди. Шундан келиб чиққан ҳолда, ЎЗМТДП ўз сайловолди Платформасида туризмни ривожлантириш бўйича бир қатор вазифаларни белгилаб олди.

Хусусан, партия сайёҳлик инфратузилмасининг янада ривожланишини, сайёҳлар учун мўлжалланган объектларнинг ҳар томонлама мақбул бўлишини, транспорт ва меҳмонхона хизматлари, сайёҳлик логистикаси билан боғлиқ барча хизматнинг қулайлигини, туризм индустрияси хизматининг турли соҳаларига замонавий ахборот технологияларини жорий этишини таъминлаш бўйича тегишли чора-тадбирларни амалга оширишга ҳаракат қилади.

Ўзбекистон "Миллий тикланиш" демократик партияси хорижий меҳмонлар учун мамлакатимизнинг халқаро нуфузини, мафтункорлигини оширишда асосий омил бўладиган туристик фаолият объектларида, халқаро аэропортларда, вокзалларда кўрсатилаётган сервис ва хизматлар си-

фатини яхшилашга алоҳида эътибор қаратди. Туризм саноатида йўналтирилдиган инвестициялар оқимини янада рағбатлантириш чора-тадбирларини амалга ошириш, жумладан, хусусий капитал ва бизнесга имтиёз ва преференциялар беришни қўллаб-қувватлайди.

Партия туризм соҳасида кадрлар масаласини муҳим ҳисоблайди. Замонавий менежмент ватандошларимиз ва хорижий туристларга Ўзбекистоннинг ўнмиши ҳамда ҳозирги кунги турисиди ишончли ахборотни етказиш кўникмаларига эга бўлган кадрлар — гид-экскурсовод, туристик ва меҳмонхона муассасалари ходимларини тайёрлаш ва қайта тайёрлашнинг миллий тизими самарадорлигини ошириш лозим. Экскурсоводлар ва туристик ташкилотлар Ўзбекистон халқининг нодир маънавий бойлиги ва тарихий мероси кўзгуси бўлган сайёҳлик объектлари хусусида зарур ахборотларни тақдим қилиш учун тайёр бўлиши лозим.

Шунингдек, партия, биринчи навбатда, биз билан узоқ муддатли стратегик шериклик алоқаларини ўрнатган ва барқарор туристик бозорга эга бўлган давлатлардан келатган фуқаролар учун виза бериш тартибини соддалаштириш, ўзаро виза алмашиш соҳасида интерактив давлат хизматларини жорий этиш, мавжуд бюрократик тўсиқларни, хорижий ва маҳаллий туристлар учун расмийтачиликни бартараф этиш бўйича муайян ташкилий чора-тадбирларни амалга ошириш керак, деб ҳисоблайди.

"Миллий тикланиш" демократик партияси Ўзбекистонда экотуризмни кенг ривожлантириш учун барча зарур шарт-шароитлар муҳайё этилганлигини эътироф этади. Шу билан бирга, юртимизда туризмнинг ушбу йўналишини ривожлантириш, алоҳида қўриқланадиган ноёб табиий ҳудудларни келиб қўриш тартибини тақомиллаштириш талаб этилади. Туризмнинг таълим, илмий ва спорт-соғломлаштириш сингари турларини ривожлантириш учун ҳам шарт-шароит яратиш зарур. Партиямиздан Ўзбекистон Республикаси Президентлигига номзод Акмал Саидовнинг сайловолди дастурида Ўзбекистон халқининг маданияти ва санъати ютуқларини кенг миқёсда тарғиб этиш, Ўзбекистоннинг халқаро майдондаги имиджини мустаҳкамлаш, инсоният тамаддунининг қадимги трансчегаравий йўналиши бўлган Шарқ ва Ғарбни бирлаштирувчи иқтисодий, сиёсий ва маданий инсонпарварлик соҳаларидаги ҳамкорлик алоқаларини институционал мустаҳкамлаш ва кенгайтиришда муҳим ўрин тутадиган Буюк Ипак йўлини қайта тиклаш, кучли "Буюк Ипак йўли" брендини илгари суриш асосий вазифалардан бири сифатида илгари сурилган. Бунда, шубҳасиз миллий туризмни ривожлантириш муҳим вазифани ўтайди.

Мухтасар айтганда, Ўзбекистон "Миллий тикланиш" демократик партиясининг сайловолди Платформасида туризм соҳасида белгиланган долзарб мақсад ва вазифалар мамлакатимиз ривожини ва халқимиз фаровонлигини янада юксалтиришга хизмат қилади. Партиямиздан Олий Мажлис Қонунчилик палатасига, маҳаллий кенгашларга сайланган депутатлар ҳамда барча даражадаги партия ташкилотлари ушбу мақсад-вазифаларнинг амалдаги ижросини таъминлашга астойдил ҳаракат қиладилар.

Дониёр ТОШБОВЕ,
ЎЗМТДП Марказий кенгаши Ижроия қўмитаси девони бўлим бошлиғи

Сайлов штабида



Муҳим жараёнга ҳозирлик қизғин

Мамлакатимиз ҳаётидаги муҳим сиёсий воқеалик — Ўзбекистон Республикаси Президентини сайловига санокли кунлар қолмоқда. Мазкур жараёнга пухта тайёргарлик ишлари қизғин давом этаёттир. Худудларда Президентликка кўрсатилган номзодлар ва уларнинг ишончли вакиллари сайловчилар билан учрашиб, тарғибот-ташвиқот ишларини амалга оширмоқда. Сайловга ҳозирлик кўриш Ўзбекистон "Миллий тикланиш" демократик партиясининг марказий ва барча худудий ташкилотлари қошида ташкил этилган сайлов штабларида ҳам жадал суруятларда кечаяпти.

— Сайлов штабимизда Ўзбекистон Республикаси Президенти сайловида пухта ҳозирлик кўриш ҳамда уни муносиб тарзда ўтказиш учун барча шарт-шароит ва қулайлик муҳайё қилинган, — дейди ЎЗМТДП Навоий вилоят кенгаши қошида тузилган партия сайлов штаби раҳбари Лочин Облоқулов. — Ҳафтанинг ҳар душанба кунини штаб аъзолари ҳамда партиямиз фаоллари иштирокидаги йиғилишда сайловга тайёргарлик ишларининг бориши, амалга оширилаётган саяёҳаракатлар муҳомама қилиниб, олдимизда турган муҳим вазифаларни белгилаб оламиз. Айни пайтда сайлов кампаниясининг

энг муҳим босқичи — сайловолди ташвиқоти олиб боришмоқда. Ушбу жараёнда ЎЗМТДП Навоий вилоят кенгаши ҳам фаол иштирок этиб, партиямиздан Ўзбекистон Республикаси Президентлигига кўрсатилган номзод тарғиботи учун астойдил ҳаракат қилмоқда. Вилоятимизга ажратилган ташвиқот материаллари — номзоднинг таржимаи ҳоли ва дастурини ўз ичига олган 2500 дона рисола, 32 баннер ва бошқа тарғибот воситаларидан унумли фойдаланилмоқда. Номзодни ёқлаб овоз беришга чақирилган кенг форматдаги баннерлар шох кўчалардаги ташқи реклама мониторларида жойлаштирилди. Бу каби ишлар барча туман ва шаҳар кенгашларимизда ҳам уюшқоқлик билан изчил амалга оширилаёттир.

Номзод ва унинг вилоятдаги ишончли вакили томонидан олиб борилаётган тарғибот ишлари, сайловчилар билан учрашувлар жонли мулоқот ва баҳо-мунозара руҳида кечмоқда. Хусусан, "Миллий тикланиш" демократик партиясидан Ўзбекистон Республикаси Президентлигига кўрсатилган номзод Акмал Саидовнинг вилоятдаги ишончли вакили, халқ депутатлари вилоят кенгашидаги партия гуруҳи раҳбари Бахтиёр Бозоров Нурота, Навбахор, Кармана туманларида бўлиб, сайловчиларни номзоднинг дастурий вазифалари, илгари сураётган мақсадлари билан батафсил таништирмоқда.

Бир сўз билан айтганда, Ўзбекистон "Миллий тикланиш" демократик партиясининг Навоий вилоят кенгаши муҳим сиёсий жараёнга тайёр. Бу ишларда вилоят ва туман, шаҳарлардаги партия сайлов штаблари бош-қош бўлиб, сайловга тайёргарлик жараёнларини мувофиқлаштириб бораётгани эътиборга молик.

Мухтарама РАМАЗОНОВА,
"Milliy tiklanish" мухбири

○ Сайловчилар хузурида



Ишончли вакиллар

ЎзМТДПдан кўрсатилган номзод сайловолди дастури тарғиботида фаол иштирок этмокда

(Давоми.
Бошланиши 1-бетда)

Мамлакатимизда муҳим сиёсий тадбир — Ўзбекистон Президенти сайловига тайёр-гарлик жараёнлари кизгин тус олмокда. Жойларда сайловолди ташвиқоти тадбирларининг уюшқоқлик билан ўтаётгани фуқароларнинг ижтимоий-сиёсий фаоллиги кун сайин ортиб бораётганидан яққол далолат беради.

Ўзбекистон “Миллий тикланиш” демократик партиясидан Ўзбекистон Республикаси Президентлигига номзод Акмал Саидовнинг ишончли вакиллари жойларда сайловчилар билан учрашиб, номзоднинг сайловолди дастурини тақдим этишмокда, тарғибот ишларини олиб бормокда.

Қорақалпоғистон Республикасида бўлиб ўтаётган учрашувлар сайловчиларнинг фаоллигига ўтмокда. Президентликка номзоднинг ишончли вакили Елизавета Кутibaева Эллиққалъа туманидаги Бўстон ижтимоий-иқтисодиёт касб-хўнар коллежи, Тўрткўл туманидаги 3-сонли, Беруний туманидаги 6-сонли болалар мусиқа ва санъат мактабларида сайловчилар билан учрашди.

Учрашувларда ишончли вакил Президентликка номзоднинг сайловолди дастуридаги ижтимоий-сиёсий, маънавий-маърифий, иқтисодий, ҳуқуқий, ахборот ва халқаро йўналишларда белгиланган вазифалар ҳақида тўхталиб ўтди. Таъкидланганидек, номзоднинг сайловолди дастурида белгиланган ҳар бир мақсад ва вазифага мамлакатимиз миллий манфаатлари ва халққимизнинг ўлмас қадриятларидан келиб чиқиб ёндашилган. Унда ривожланишнинг устувор йўналиши сифатида жамиятимизнинг маънавий-ахлоқий асослари устуворлигини қарор топтириш, маънавий-маърифий соҳалардаги ислохотларни янада чуқурлаштириш, тарихий, маданий ва интеллектуал меросимиз, қадрият ва аънаваларимизни асраб-авайлаш ҳамда ривожлантириш, ёш авлодни миллий тикланиш ғоясига ҳурмат руҳида тарбиялаш бўйича аниқ чора-тадбирлар белгиланган.

— Мамлакатимизда сиёсий партиялар ўртасидаги соғлом рақобат Президентликка номзодларнинг ишончли вакиллари билан бўлаётган сайловолди учрашувларда ҳам яққол намоён бўлмокда, — дейди Беруний туманидаги 61-умумтаълим мактаби ўқитувчиси Мунаввара Қурбонбоева. — Ўзбекистон “Миллий тикланиш” демократик партиясидан Президентликка номзоднинг ишончли вакили билан бўлган учрашувда номзод сайловолди дастурининг муҳим жиҳатлари ҳақида кенг маълумотга эга бўлдик. Сайловолди дастурда илгари сурилган ҳар бир йўналиш миллий қадриятларимиз, кундалик ҳаётимиз, халқ манфаатлари билан уйғунлиги сайловчилар эътиборини тортиди. Бу каби учрашувлар тобора яқинлашиб келаётган Президент сайловида фуқароларнинг фаол иштирокини таъминлаб, сайловнинг юксак савияда ташкил этилишига хизмат қилади.

Йигилишда ЎзМТДП Эллиққалъа туман кенгаши раиси, халқ депутатлари туман кенгаши депутати Баҳодир Машарипов, ЎзМТДП Тўрткўл туман кенгаши раиси ўринбосари Равшан Ҳасанов, Беруний тумани 52-умумтаълим мактаби директори, халқ депутатлари туман кенгаши депутати Тиллаҳон Аббасева сўзга чиқиб, Президентликка номзоднинг сайловолди дастурини қўллаб-қувватлашга даъват этди.

Ўзбекистон “Миллий тикланиш” демократик партиясидан Ўзбекистон Республикаси Президентлигига номзод Акмал Саидовнинг Бухоро вилоятидаги ишончли вакили Сойиб Раупов Бухоро шаҳри ва тумани сайловчилари билан учрашди.

Тадбирларда жамоат ташкилотлари ва фуқароларнинг ўзини ўзи бошқариш органлари фаоллари, корхона ва ташкилотлар ходимлари, ўқитувчи ва мураббийлар, партия фаоллари, ёшлар ҳамда оммавий ахборот

Миллий ахборот тизимлари ва миллий ахборот ресурсларини ривожлантириш, миллий ахборот хавфсизлигини таъминлаш вазифаларини ҳал этиш тарафдоримиз. Ривожланган миллий ахборот макони — мустаҳкам тараққиёт пойдеворидир.

дастурида маҳалланинг фуқаролар, ўғил-қизлар ва ёшларни маънавий-ахлоқий жиҳатдан тарбиялаш, янги иш ўринлари яратиш, ижтимоий соҳадаги ишларнинг самарадорлигини оширишда муҳим аҳамият касб этиши алоҳида белгиланган. Бу вазифалар аҳоли турмуш сифатининг яхшиланишида долзарб саналади. Сайловчиларни ушбу сайловолди дастурни қўллаб-қувватлашга чақираман.

Учрашувларда сайловчилар ЎзМТДПдан Ўзбекистон Республикаси Президентлигига номзод Акмал Саидовга овоз беришга чақирилди.

Ўзбекистон “Миллий тикланиш” демократик партиясидан Ўзбекистон Республикаси Президентлигига номзод Акмал Саидовнинг Жиззах вилоятидаги ишончли вакили Баҳром Мамажонов Арнасой тумани мусиқа ва санъат мактабида сайловчилар билан учрашди.

Учрашувни 4-Жиззах сайлов округ сайлов комиссияси аъзоси Шухрат Абдурахмонов очиб, мамлакатимизда сайловларни кўппартиявийлик асосида ўтказиш демократик қадриятга айланиб бораётганини таъкидлади.

Ишончли вакил Президентликка номзоднинг сайловолди дастури юзасидан маъруза қилиб, унинг миллий тикланиш ғоясини



амалга ошириш, ички ва ташқи сиёсатда миллий манфаатларни ҳимоялаш, Ўзбекистон халқининг миллий-маданий ва маънавий-ахлоқий қадриятлари, урф-одатларини сақлаш ва бойитиш каби устувор йўналишларига эътибор қаратди.

Тадбир давомида Арнасой тумани ахборот-ресурс маркази ходими Умида Юнусова номзоднинг сайловолди дастуридаги туризмни ривожлантириш борасидаги аниқ тақдирлар юзасидан бир неча савол билан мурожаат қилди.

— Ўзбекистон кўп асрлик тарихга ва нодир маданий-тарихий меросга эга, — деди Баҳром Мамажонов. — Шу боис сайёҳлар учун мўлжалланган объектларнинг ҳар томонлама мақбул бўлиши, транспорт ва меҳмонхона хизматлари ҳамда сайёҳлик логистикасини такомиллаштириш, сайёҳлик индустрия-



си билан боғлиқ хизматларнинг турли соҳаларига замонавий ахборот технологияларини жорий этиш муҳим аҳамият касб этади. Алоҳида қўриқланадиган ноёб табиий ҳудудларни келиб қўриш тартибини кўзда тутадиган туризмнинг фаол турларини, айнан экотуризмни ривожлантириш учун зарур бўлган барча шарт-шароитни яратиш сайловолди дастурида алоҳида белгиланган.

Кизгин баҳс-мунозара руҳида ўтган учрашувда Арнасой туманидаги 19-умумтаълим мактаби директори Рустам Муродов, “Бинафша” мактабгача таълим муассасаси мудираси Гулсара Менглиева, мусиқа ва санъат мактаби ўқитувчиси Камола Йўлдошоева, Президент сайловида илм маротаба иштирок этаётган ёшлар — Сардор Исоқов ва Зебунисо Носирова ЎзМТДП номзоднинг сайловолди дастури юзасидан фикр-мулоҳазаларини баён этди.

Сўзга чиққанлар сайловчиларни Ўзбекистон “Миллий тикланиш” демократик партиясидан Президентликка номзод Акмал Саидовнинг сайловолди дастурини қўллаб-қувватлашга чақирди.

Истиқлол йилларида мамлакатимизда

бунёдкорлик ишлари жадал суръатлар билан ривожланди. Йилдан-йилга шаҳар ва қишлоқларимиз янада кўрк очиб бораётир. Чекка ҳудудларимизда қад ростлаётган замонавий ўқув муассасалари, кичик корхоналар, майший хизмат кўрсатиш уйлари халқимизнинг турмуш сифати ва фаровонлигини оширмокда. Сўнгги йилларда бунёд этилаётган замонавий қишлоқ врачлик пунктлари, маданият ва спорт иншоотлари ҳам бевосита истиқлол яратган имкониятлар тўғайли. Бунёдкорлик ишларининг ривожига бевосита мамлакатимизда фаолият юритаётган кичик бизнес ва оилавий корхоналарнинг ҳам муносиб ҳиссаси бор. Чунки бугунги тадбиркор ўзи яшаётган маҳалла ёки фарзандлари таълим олаётган муассасани обод этишга ҳисса қўиши табиий. Бу халқимизнинг асрий миллий қадриятлари, аънавалари ва урф-одатлари билан Ҳамоҳанг. Қўқон шаҳар мусиқа мактабида Ўзбекистон “Миллий тикланиш” демократик партиясидан Ўзбекистон Республикаси Президентлигига номзод Акмал Саидовнинг Фаргона вилоятидаги ишончли вакили Муқаддас Бекмирзаева сайловчилар билан учрашувда ана шулар хусусида тўхталиб ўтди.

Учрашувда ишлаб чиқаришни техник ва технологик модернизация қилишни кучайтириш, истиқболли ишлаб чиқариш билан шуғулланаётган корхоналарга солиқ ва мажбурий тўловлар масаласида имтиёзлар бериш ЎзМТДПдан Ўзбекистон Республикаси Президентлигига номзоднинг сайловолди дастурида иқтисодий соҳадаги устувор мақсад-вазифалар сифатида белгилангани қайд этилди.

— Номзоднинг мазкур мақсад-вазифани илгари сураётгани мамлакатимизда фаолият кўрсатаётган ишлаб чиқариш корхоналари ва кичик бизнес субъектлари фаолиятини янада ривожлантиришга хизмат қилади, — деди ишончли вакил, Риштон педагогика ва иқтисодиёт коллежи директори, халқ депутатлари вилоят кенгашига ЎзМТДПдан сайланган депутат Муқаддас Бекмирзаева. — Чунки ишлаб чиқаришга янги техника ва технологияларни жалб этиш иш самараси ва унумдорлигини оширади. Қўшимча иш ўринларини яратади. Шунингдек, миллий бозорни сифати паст, халқаро андозаларга мос келмайдиган маҳсулотлар, ишлар ва хизматлардан муҳофаза этиш ва қулай сармоя муҳитини яратишда муҳим аҳамият касб этади. Номзоднинг сайловолди дастурида белгиланган маҳаллий ишлаб чиқарувчиларни ҳар томонлама қўллаб-қувватлаш, “Ўзбекистонда ишлаб чиқарилган” тамғаси билан жаҳон бозорига маҳсулот етказиб беришга йўналтирилган тизимли чора-тадбирларни амалга ошириш, мамлакатимиз экспорт салоҳиятини ошириш, аҳоли бандлигини таъминлаш каби вазифаларга хизмат қилади.

Номзод сайловолди дастурида кичик бизнесдан фойдаланишни тақлиф этаётгани Фаргона вилоятида фаолият кўрсатаётган тадбиркорлар, хунармандлар учун янада кенг имкониятлар эшигини очили шубҳасиз. Чунки Фаргона азал-азалдан қўли гул хунар-

— Замоннинг шиддат билан ўзгариши, техника ва технологияларнинг жадал суръатлар билан ривожланиши ва ахборот алмашинувининг жадаллашиши ҳар бир миллат олдида ўзигини асраш, улғайиб келаётган навқирон авлодни миллий қадриятларга ҳурмат руҳида тарбиялаш вазифасини қўймоқда. ХХI асрда бу вазифанинг аҳамияти ҳар қачонгидан-да муҳим. Чунки ахборот асрида интернет ва бошқа виртуал алоқа воситалари ақл бовар қилмас даражада тараққиёт сари илдамламокда. Бу эса ёшларда маънавий иммунитетни шакллантиришни тақозо этади. Ўзбекистон Республикаси Президентлигига ЎзМТДПдан номзод Акмал Саидовнинг сайловолди дастурида маънавий-маърифий соҳадаги мақсад-вазифалар ҳам ана шу умуммиллий вазифага хизмат қилади, — деди номзоднинг Сирдарё вилоятидаги ишончли вакили, “Ёшлик” спорт жамияти раиси Норбобо Соатов.

Ишончли вакил номзоднинг сайловолди дастурида миллий ўзликини англашни юксалтириш, миллий гурур ва қадр-қиммат тўйгуларини мустаҳкамлаш, бу борада ўзбек халқининг тарихий, маданий ва интеллектуал мероси, бой маданияти ва аънаваларини кўз қорачиғидек асраб-авайлаш ва бойитиш, эл-юртимиз ютуқларини навқирон авлод орасида кенг тарғиб қилиш, ёшлар онгини халқимиз маънавиятига ёт “оммавий маданият”нинг салбий таъсиридан муҳофаза қилиш мақсадида ёшларни миллий тикланиш ғояси, миллий маданият ва қадриятларни эъзозлаш руҳида таъсирдан асосий мақсад сифатида намоён бўлишини таъкидлади. Шунингдек, давлат тилини бойитиш ва такомиллаштиришга, тилимизнинг ўзаро муомала маданияти сифатидаги ўрни ва мақомини янада юксалтиришга йўналтирилган чора-тадбирлар мажмуини ишлаб чиқиш, оммавий муомалада ўзбек адабий тили меъёр ва қоидалари бузилишининг олдини оладиган аниқ мақсадли ишларни олиб бориш, оила ва оилавий қадриятларни мустаҳкамлаш, ёш оилаларга ғамхўрликни ошириш бўйича кенг қўламли ишларни изчил давом эттириш зарурлигини қайд этди.

Гулистон туманидаги 1-болалар мусиқа ва санъат мактабида бўлиб ўтган учрашувда ЎзМТДПдан номзоднинг сайловолди дастури кенг муҳокама қилинди. Сирдарёлик сайловчилар номзоднинг ижтимоий соҳадаги вазифаларига эътибор қаратишди. Жумладан, аҳоли турмуш сифати, даражаси ва фаровонлигини ошириш номзоднинг сайловолди дастуридаги энг муҳим вазифалардан бири сифатида белгилангани ва бу йўналишда амалга ошириш керак бўлган вазифалар сайловчиларнинг диққат марказида бўлди. Хусусан, озиқ-овқат хавфсизлигини таъминлашни янада кучайтириш, уй-жой қурилиши ва ижтимоий инфратузилмани ривожлантириш, ёш оилаларга имтиёзли фойзаларда узоқ муддатли ипотека кредитлари ажратишга алоҳида эътибор қаратилган.

Таъкидлаш керакки, ёш оилаларга ипотека кредитлари бериш тартибининг жорий



этилгани мамлакатимизда оилалар мустаҳкамлигини таъминлашга хизмат қилаётир. Шунинг учун номзод ўз дастурида ана шу соҳани ривожлантиришга алоҳида эътибор қаратмокда. Зеро, оилалар мустаҳкам бўлса, жамият барқарор ривожланади.

Шунингдек, дастурда маҳалланинг фуқаролар, ёшларни маънавий-ахлоқий жиҳатдан тарбиялаш, ижтимоий соҳадаги ишларнинг самарадорлигини ошириш, жойларда жамоат хавфсизлиги ва ҳуқуқ-тартиботни таъминлаш, давлат бошқаруви органлари фаолияти устидан жамоатчилик назоратининг таъсирчанлигини кучайтириш билан боғлиқ масалаларни ҳал этишдаги сайёҳаракатларини фаоллаштириш долзарб аҳамият касб этиши белгиланган.

Музокарада сўзга чиққан ЎзМТДП Гулистон туман кенгаши раиси ўринбосари Ҳафиза Йўлчиева, партия фаоли Юсуф Ўтаганов, партия вилоят кенгаши ходими Муродқосим Беғалиев сайловчиларни 29 март кун бўлиб ўтадиган сайловда Акмал Саидов номзоди-га овоз беришга чақирди.

Шоҳида ДАМАНОВА,
Ҳасан САЛОМОВ,
“Milliy tiklanish” мухбирлари

Фракция ҳаёти



Ҳисоб палатасининг фаолияти

бюджет маблағларидан самарали фойдаланишни таъминлашда муҳим ўрин тутди

(Давоми.
Бошланиши 1-бетда)

Ҳисобот йилида Ўзбекистон Республикаси Ҳисоб палатасининг назорат ишлари дастури асосида 33 йўналишда 149 объектда назорат тадбири амалга оширилди. Шундан 29 йўналишдаги 144 объектда назорат тадбири 2014 йилда тугалланган бўлса, 4 йўналишдаги 5 объектда эса бу йил давом эттирилмоқда. Жумладан, Ҳисоб палатаси томонидан Давлат бюджети даромадлари ва харажатларининг ижроси, давлат ва ҳудудий ривожланиш дастурларининг бажарилиши, соҳаларда молиявий маблағларнинг самарали ишлатилиши ва бошқа қатор масалаларда назорат тадбирлари амалга оширилди. Хусусан, Ўзбекистон Республикаси Бюджет кодекси ижросини таъминлаш мақсадида Ҳисоб палатаси томонидан Давлат бюджетининг 2013 йилги ижроси тўғрисидаги ҳисобот ташқи

аудит ва баҳолашдан ўтказилди. Давлат бюджетининг, давлат мақсадли жамғармалари бюджетларининг 2015 йилги лойиҳаси ҳамда солиқ ва бюджет сиёсатининг асосий йўналишлари экспертисаси амалга оширилди. Шунингдек, Давлат бюджети таркибида йиғиладиган бюджетдан ташқари жамғармалар маблағларининг тўлиқ шаклланиши, улардан мақсадли ва унумли фойдаланилиши устидан муттасил назорат олиб борилди. Бундан ташқари, «Сиёсий партияларни молиялаштириш тўғрисида»ги қонун ижросини таъминлаш мақсадида сиёсий партиялар даромадларининг тўлиқ шаклланиши ва уларнинг мақсадли сарфланиши тегишлирилди.

Таъкидланишича, Ҳисоб палатаси томонидан назорат тадбирлари доирасида баъзи ҳудудларда камчилик ва айрим ҳатоларга йўл қўйилганлиги ҳам аниқланган. Масалан, маҳаллий бюджетларнинг Андижон ва Навоий вилоятларидаги ижроси ўрганилганда

қатор камчиликлар мавжудлиги маълум бўлди. Бугунги кунда бюджетлараро муносабатларни янада такомиллаштириш, ҳудудларнинг ишлаб чиқариш ва ресурс салоҳиятидан оқилона фойдаланиш асосида маҳаллий бюджетларнинг даромадлари ошишига ва минтақаларнинг иқтисодий салоҳиятини янада мустаҳкамлашга қаратилган чора-тадбирлар амалга оширилаётганига қарамай, бундай ҳолатларнинг юзга келаётгани назорат тадбирларининг самарадорлигини янада кучайтиришни тақозо этади. Ушбу ҳолатлар айрим маҳаллий ҳокимликларда бюджет даромадларини қўлайлаштириш чора-тадбирларини излаш, мавжуд имкониятларни ишга солиш ўрнига давлат бюджетидан ажратилган маблағларни мақсадсиз ва самарасиз сарф қилинишига йўл қўйилаётганлигидан, мутасадди раҳбарларнинг бу муҳим масалага эътиборсизлиги қилаётганликларидан далолат беради.

Йиғилишда сўнгги йилларда Ҳисоб палатаси амалга ошираётган яна бир муҳим иш — олиб борилган назорат тадбирлари ва кўрсатмаларига биноан амалдаги бир қатор қонун ва қонуности ҳужжатларига ўзгаришлар киритилаётганлиги, идоравий норматив ҳужжатлар тайёрланаётганлиги алоҳида эътироф этилди. Биргина ҳисобот йилида Солиқ кодексининг 254-моддасига ўзгариш киритилган, ердан фойдаланишга оид қонун бузилиши ҳолатлари бўйича Маъмурий жавобгарлик тўғрисидаги кодексга тегишли ўзгариш ва қўшимчалар киритиш таклифи Вазирлар Маҳкамасига тақдим этилган.

Депутатлар Ҳисоб палатаси сиёсий партиялар молиявий даромадларининг шаклланиши ва харажатларини текшириш билан бир қаторда, ҳар бир партия билан ҳамкорликда махсус ўқув-семинарлар ташкил этиб, молиявий интизомга риоя этиш ва маблағлар самарадорлигини таъминлаш масалаларида амалий кўмак кўрсатаётганини эътироф этишди.

Муҳокамалар чоғида сўз олган фракция аъзолари партия дастурий мақсадлари ҳамда сайловолди Платформасида ижтимоий ва иқтисодий соҳаларда белгиланган вазифалар, жумла-

дан, маҳаллий бюджетлар даромадларининг шаклланиши ва харажатларининг ижроси, ҳудудларни ривожлантириш ва ишлаб чиқаришни маҳаллийлаштириш дастурларининг бажарилиши, янги иш ўринларининг яратилиши масалаларига алоҳида эътибор қаратишди. Шу билан бирга, фракция аъзолари келгусида Ҳисоб палатаси билан мунтазам ҳамкорликни йўлга қўйган ҳолда парламент назоратини янада кучайтириш лозимлигини таъкидлашди. Яъни йўл қўйилган камчиликлар, бюджет интизомини бузиш ҳолатлари ва молиявий ҳуқуқбузарликларни атрофлича ўрганиб, асосий эътиборни уларнинг келиб чиқиш сабабларига қаратган ҳолда хатоларнинг олдини олиш, бартараф этиш борасида кўриладиган чора-тадбирлар ҳақида тегишли вазирлик, идора ва маҳаллий ҳокимликлар мутасадди раҳбарларининг ҳисоботларини мунтазам эшитиш таклифлари билдирилди.

Депутатлар билдирган қатор таклифлар, қизгин муҳокамалардан сўнг Ўзбекистон Республикаси Ҳисоб палатасининг 2014 йилги фаолияти тўғрисидаги ҳисоботи маъқулланди ва фракциянинг тегишли қарори қабул қилинди.

Мирзохид УБАЙДУЛЛАЕВ, ЎзМТДП фракцияси аъзоси:

— Маълумки, Ўзбекистон Республикаси Ҳисоб палатаси ўз фаолияти ва назорат тадбирлари билан Давлат бюджетни маблағларининг самарали сарфланишига ҳисса қўшади. Давлат бюджетни маблағларидан эса унумли, мақсадли фойдаланиш лозим. Бу мамлакатимиз тараққиёти, халқимиз фаровонлигини янада юксалтиришда муҳим аҳамиятга эга. Ҳисоб палатаси томонидан ўтган йил давомида бир қатор вазирлик ва идораларда Давлат бюджети маблағларидан мақсадли ва самарали фойдаланиш бўйича назорат тадбирлари олиб борилганлиги, йўл қўйилган хато, камчиликлар таҳлил этилиб, тегишли чоралар кўрилганлиги эътиборга молик.

Фракциямиз аъзолари Ҳисоб палатасининг ўтган йилдаги фаолияти муҳокамасига партия позициясидан келиб чиққан ҳолда ёндашиб, қатор таклиф-мулоҳазаларни баён қилишди. Айниқса, келгусида Ҳисоб палатаси томонидан аниқланган камчиликлар, бюджет интизомининг бузилиш ҳолатлари, молиявий ҳуқуқбузарликлар ва уларнинг келиб чиқиш сабабларини атрофлича ўрганиб, шу асосда парламент назоратини янада кучайтириш лозимлигига эътибор қаратилди.

Мухтарама КОМИЛОВА,
“Milliy tiklanish” мухбири

Қонун лойиҳаси янада такомиллашади

маҳаллий ишлаб чиқарувчилар манфаатлари — партиянинг доимий эътиборида



тар акциядорларининг қонуний манфаатлари ва ҳуқуқлари ҳимоясини таъминлашга хизмат қилади.

Қонун лойиҳаси билан “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги қонунга акциядорлар умумий йиғилишида жамиятнинг ўрта ва узоқ муддатга ривожлантириш стратегиясини тасдиқлаш, қузувот кенгаши ва ижроия органининг жамиятни ривожлантириш стратегияси бўйича амалга оширилаётган чоралар тўғрисидаги ҳисоботларини мунтазам эшитиб бориш каби ўзгариш ва қўшимчалар киритилмоқда. Шунингдек, акциядорлар умумий йиғилиши томонидан белгиланган муддатда тўланмаган ва олинмаган дивидендлар бўйича ҳисобланадиган пеня миқдори, тўланмаган ва олинмаган дивидендлар (50 фоизидан кўп бўлмаган) миқдорини белгилловчи тартибни қонун нормаларида акс эттириш, акциядорлик жамиятининг миноритар акциядорлари олдига дивидендлар бўйича қарздорлик мавжуд бўлмаган тақдирдагина йирик акциядорларга (25 фоиздан ортиқ акция эгаларига) дивидендлар тўлаш тартибини белгиллаш каби масалаларни ҳам ҳуқуқий жиҳатдан ҳал этиш назарда тутилмоқда.

Қонун лойиҳасида кўзда тутилган нормалар мамлакатимизда акциядорлик жамияти шаклидаги маҳаллий ишлаб чиқарувчиларнинг самарали фаолиятини таъминлашга хизмат қилади. Бу эса, ўз навбатида, хорижий маҳсулотлар ўрнини босадиган махсу-

лотларни ишлаб чиқаришни режалаштирган маҳаллий ишлаб чиқарувчилар фаолиятида муҳим аҳамият касб этади.

Семинарда фракция аъзолари алоҳида эътироф этганларидек, мазкур қонун лойиҳасининг қабул қилиниши мамлакатимизда маҳаллий ишлаб чиқарувчиларни, жумладан, акциядорлик жамиятларини самарали қўллаб-қувватлашга хизмат қилади. Натижада, акциядорлик жамиятлари корпоратив бошқаруви фаол ривожлантирилиб, жамият миноритар акциядорларининг қонуний манфаатлари ва ҳуқуқлари ҳимоя қилиниши таъминланади. Бу масалалар, ўз навбатида, Ўзбекистон “Миллий тикланиш” демократик партиясининг сайловолди Платформасида белгиланган ишлаб чиқаришнинг техник ва технология модернизация қилиш, ишлаб чиқаришга йўналтирилмаган харажатларни қисқартириш, соҳага янги, замонавий технологияларни жорий этиш каби вазифаларнинг амалга оширилишида муҳим ўрин тутди.

Тадбир сўнггида иштирокчилар билдирган фикр-мулоҳазалар асосида қонун лойиҳаси юзасидан ЎзМТДП фракциясининг позицияси шакллантирилди. Олий Мажлис Қонунчилик палатасининг масъул қўмитасига фракциянинг тегишли таклифларини тақдим этишга келишиб олинди.

Элдор ТУЛЯКОВ,
ЎзМТДП фракцияси аъзоси:

— Тобора ривожланиб бораётган бугунги давр депутатлар зиммасига ҳам бир

қатор масъулиятли вазифаларни юклатмоқда. Айниқса, қонунларни ишлаб чиқиш жараёнида бу қонунларга реал ҳаётда қай даражада эҳтиёж бор ва у қанчалик самарали ишлайди, деган саволни ўз олдимишга қўйишимиз керак. Шу мақсадда айни пайтда бир қатор қонунларни қайта қўриб чиқиш зарурати юзга келмоқда. Хусусан, Олий Мажлис Қонунчилик палатаси ва Сенатининг қўшма мажлисида таъкидланганидек, корпоратив бошқарув соҳасида муҳим ҳужжат бўлган “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги қонун ҳалигача амалда тўлиқ ишлагани йўқ.

Бу борада акциядорларнинг ҳуқуқларини бузган мансабдор шахсларни жавобгарликка тортиш механизмларини яратиб зарур. Татбиқ этилиши режалаштирилган бундай юридик механизмлар, мансабдор шахслар томонидан қабул қилинаётган қарорлар, авваламбор, акциядорлар манфаатидан келиб чиққан ҳолда қабул қилиниши ва уларнинг масъулиятини сезиларли даражада оширишга қаратилиши лозим.

Сиддик НАМОЗОВ, ЎзМТДП фракцияси аъзоси:

— Фракциямиз аъзолари мазкур қонун лойиҳасини иккинчи ўқишга тайёрлаш жараёнида фаол иштирок этмоқдалар. Бу борада жорий йил Вазирлар Маҳкамаси йиғилиши ҳамда парламент палаталарининг қўшма мажлисида белгиланган аниқ вазифалар ҳамда лойиҳани илғор хорижий тажриба билан қиёслаш, таклифлар тайёрлашда партия позициясини акс эттириш, жумладан, электоратимиз ҳисобланган маҳаллий ишлаб чиқарувчилар манфаатини ҳимоялашга алоҳида аҳамият қаратилмоқда.

Ҳозирда мазкур қонун лойиҳаси бўйича тузилган ишчи гуруҳи иزلанишлари олиб бориб, анжуманлар ўтказиш билан бир қаторда мутахассислар фикрларини ўрганимоқда. Бу эса, ўз навбатида, Ўзбекистонда фаоллиқ кўрсатаётган акциядорлик жамиятларида корпоратив бошқарув тизими бўйича ривожланган давлатлар тажрибасидан келиб чиққан ҳолда, замонавий тенденцияларга мутаносиб равишда қонунчиликни такомиллаштиришга қаратилган муҳим чоралар кўрилаётганидан далолатдир. Буларнинг барчаси бутун дунёда кенг жорий қилинган корпоратив бошқарув тизими моделларини миллий қонунчиликка сингдиришга ҳам хизмат қилади.

Умида УЗОКОВА,
“Milliy tiklanish” мухбири

Депутат минбари

Сайловларда халқаро кузатув институтининг иштироки

Сайлов ҳуқуқи — инсоннинг энг муҳим сиёсий ҳуқуқларидан бири саналади. Фуқароларнинг бу борадаги ҳуқуқлари амалда қай даражада таъминланиши демократик давлатнинг энг муҳим белгиларидан бири ҳисобланади.

Сайловларда халқаро кузатув институти — хорижий давлатлар, халқаро ташкилотлар ва ҳаракатлардан тайинланадиган вакиллар (кузатувчилар) муййян мамлакатда сайловларга тайёргарлик жараёни, сайловларни очик ва ошқора ўтказилиши қай даражада таъминланганлигини кузатиб боради.

Сиёсатшунослар халқаро кузатув институтининг қўлла-нилиши сайловни сифат жиҳатдан юқори босқичга кўтарилади, деб ҳисоблайди. Чунончи, кузатувчиларнинг халқаро тажрибадан келиб чиққан ҳолда, ўз таклифларини билдириши сайлов жараёни ва қонунчилигини такомиллаштиришга хизмат қилади. Мазкур институт сайлов стандартларини мустаҳкамлаш ва инсон ҳуқуқларининг амалдаги рўйбўни таъминлашга муносиб ҳисса қўшади.

Сайловларда халқаро кузатув институти ХХ асрнинг 90-йилларида кенг тарқала бошлаган. Мазкур институтнинг пайдо бўлиши Марказий ва Шарқий Европа мамлакатларидаги ижтимоий-сиёсий ўзгаришлар билан боғлиқ. Бугунги кунда халқаро кузатув бутун дунёда тан олинган, демократик жараёнлар ва умумэътироф этилган инсон ҳуқуқларини қўллаб-қувватлаш, уларга риоя қилинишини таъминлаш борасида муҳим мезонга айланди.

Халқаро кузатув институтининг вужудга келишига Европада ҳафсизлик ва ҳамкорлик ташкилотининг (ЕХТ) Копенгагенда 1990 йил 29 июнда қабул қилинган ҳужжати ҳуқуқий асос бўлиб хизмат қилади. Унда сайловларда хорижий ва маҳаллий кузатувчиларнинг иштироки этиши сайлов жараёни нуфузини оширишнинг муҳим омил, деган ҳулосага келинган. Шу сабабли улар ЕХТ иштирокчиси бўлган ҳамда сайловда бевосита қатнашиш истагини билдирган давлатлардан кузатувчиларни маҳаллий сайловларда иштирок этиш учун таклиф этганлар.

Таъкидлаш лозимки, халқаро кузатувчилар фаолиятига оид ҳужжатларга, энг аввало, “Инсон ҳуқуқлари умумжаҳон декла-

Ташқи сиёсат ва давлат бошқарувининг бошқа органлари фаолияти доирасида миллий манфаатларни қатъий ҳимоя қилиш тарафдоримиз. Миллий манфаатларни ҳимоя қилиш — фаол ташқи сиёсатнинг вазифаси.

ЎзМТДПдан Президентлиққа номзод

Акмал Саидовнинг сайловолди дастуридан

рацияси”, Фуқаролик ва сиёсий ҳуқуқлар тўғрисидаги халқаро пакт ва бошқа бир қатор халқаро ҳужжатларни киритиш мумкин. Шунингдек, 2005 йилда Бирлашган Миллатлар Ташкилоти томонидан қабул қилинган сайловлар устидан халқаро кузатиш принциплари декларациясида халқаро кузатувчиларнинг мақоми ва ваколатини белгиллаш юзасидан тавсиялар берилган. Унга мувофиқ, халқаро кузатув сайлов ўтказилаётган мамлакат аҳолиси ҳамда халқаро ҳамжамият манфаатларини қўзлаган ҳолда амалга оширилади. Шунинг алоҳида таъкидлаш кераки, кузатув сайлов жараёнига қаратилган бўлиб, овоз бериш натижаларига ўз таъсирини ўтказиши мумкин эмас. Бундан ташқари, кузатувчилар уларни қабул қилган тегишли мамлакат қонунлари ва сайлов жараёнини бошқариш учун масъул бўлган идораларни ҳурмат қилишлари кераклиги халқаро ҳужжатда аниқ белгиланган бўлиб қўйилган.

Миллий қонунчилигимизда сайловлардан халқаро кузатувга оид қондаларнинг аниқ акс эттирилгани Ўзбекистон сайлов тизимининг очик, ошқора ва демократик тамойилларга тўла мослигини яққол ифода этади. Хусусан, “Ўзбекистон Республикаси Президенти сайлови тўғрисида”ги қонуннинг 5-моддасида сайловга тайёргарлик қўриш ва уни ўтказишга доир барча тадбирларда, шунингдек, ҳар бир сайлов участкасида сайлов кўни овоз бериш ҳоналарида ва овозларни санаб чиқишда Ўзбекистон Республикаси Президентлигига номзод кўрсатган сиёсий партиялардан биттадан кузатувчи, матбуот, телевидение ва радио вакиллари, бошқа давлатлар, халқаро ташкилотлар ва ҳаракатлардан кузатувчилар қатнашиш ҳуқуқига эга экани белгиланган бўлиб қўйилган.

Халқаро кузатувчилар республикамиз ҳудудида давлат ҳимоясида бўлади. Ўзбекистон Республикаси Ташқи ишлар вазирлиги, Марказий сайлов комиссияси, округ ва участка сайлов комиссиялари ўз ваколатлари доирасида уларнинг фаолиятига кўмаклашади. Ўртимизда кузатувчиларнинг ҳуқуқлари қонунлар билан мустаҳкамлаб қўйилган. Масалан, Ўзбекистон Республикаси Президенти сайловида иштирок этадиган халқаро кузатувчилар номзодлар кўрсатишга бағишланган йиғилишлар, округ ва участка сайлов комиссиялари мажлисларида иштирок этиш ҳамда тайёргарлик ишларининг бориши, овоз бериш учун сайлов қўтиларининг жойлаштирилиши ва муҳраланиши, фуқароларга сайлов бюллетенларининг берилишини кузатиш каби ҳуқуқларга эга. Бундан ташқари, халқаро кузатувчилар овозларни санаб чиқиш ва участка сайлов комиссиясининг баённомасини тузишда ҳозир бўлиши, сайлов натижалари тўғрисидаги ҳужжатларнинг тегишли сайлов комиссияси томонидан тасдиқланган нусхаларини сўраши ва уларни олиши мумкин. Агар сайлов участкасида қонун бузилишига йўл қўйилган ҳолатлар кузатишга, бу ҳақда юқори турувчи комиссияга маълум қилиши мумкин.

Шу билан бирга, миллий қонунчилигимизда халқаро кузатувчиларнинг мажбуриятлари ҳам бор. Жумладан, улар сайловчи сайлов бюллетенига ўз белгисини қўяётган пайтда овоз бериш кабинасида ҳозир бўлиши, бирор бир тарзда ёрдам кўрсатиши, сайловчиларга таъсир ўтказиши, ташвиқот материали ёки адабиётини тарқатиши, сайловчилардан улар кимни ёқлаб овоз берганликларини сўриштириши мумкин эмас. Бундан ташқари, халқаро кузатувчиларга участка сайлов комиссиясининг фаолиятига, шу жумладан, сайлов қўтиларини муҳралаш, уларни очиш, овозларни санаб чиқишда алаҳида таъкидланади.

Бугунги кунда халқаро кузатувчилар юртимиздаги барча сайлов жараёнида фаол иштирок этиб келмоқдалар. Айниқса, яқинда бўлиб ўтган парламент сайловида 340 дан зиёд чет эллик кузатувчи ҳамда нуфузли халқаро ташкилотлар вакиллари қатнашиб, мазкур сайловнинг очиклик ва ошқора-лик шарафига, халқаро ҳуқуқ нормалари ва стандартларига тўла мувофиқ равишда ўтганлигини алоҳида эътироф этишгани юртимизда демократик тамойиллар, умуминсоний қадриятлар ҳамда халқаро кузатув институтининг мустаҳкам ҳуқуқий базаси шаклланишидан яққол далолат беради.

Жаҳонгир ШИРИНОВ,
ЎзМТДП фракцияси аъзоси

ЎзМТДП сайлов штабида учрашув

(Давоми.
Бошланиши 1-бетда)

Учрашувда штаб раҳбари, “Миллий тикланиш” демократик партияси Марказий кенгаши раиси С.Отамуратов, раис ўринбосарлари Ж.Сафоев, У.Муҳаммадиев, штаб гуруҳлари раҳбарлари иштирок этди.

Учрашувда С.Отамуратов меҳмонларга Ўзбекистон Республикаси Президенти сайловиغا тайёргарлик кўриш ва уни юқори савияда ўтказиш бўйича амалга оширилган ишлар ҳақида маълумот берди. Таъкидланганидек, 2015 йил январда бўлиб ўтган Марказий кенгашнинг II Пленумида Ўзбекистон Республикаси Қонунчилик палатаси депутати, Ўзбекистон “Миллий тикланиш” демократик партияси аъзоси А.Саидов номзодини Ўзбекистон Республикаси Президентлигига кўрсатиш, партия Марказий кенгаши Ижроия қўмитаси аппарати ҳузурнда сайлов штаби тузиш ва Ўзбекистон Республикаси Президенти сайловиغا тайёргарлик кўриш бўйича Ўзбекистон “Миллий тикланиш” демократик партияси ҳаракат Дастури”ни тасдиқлаш тўғрисида қарор қабул қилинган эди. Пленум қарори билан Ўзбекистон Республикаси Марказий сайлов комиссиясига Ўзбекистон Республикаси Президентини сайловда иштирок этиш учун барча зарур ҳужжатлар тақдим этилди. Рўйхатдан ўтганлик тўғрисидаги гувоҳнома олинганидан сўнг сайлов штаби томонидан барча ҳудудий ва маҳаллий партия ташкилотларида партиядан Ўзбекистон Республикаси Президентлигига номзодни қўллаб-қувватлаш учун имзо

тўплаш бўйича ишлар ташкил этилди.

Партия раҳбари 2015 йил 7 февралда Ўзбекистон “Миллий тикланиш” демократик партиясининг IV съезди бўлиб ўтгани ва 9 февраль кuni Ўзбекистон “Миллий тикланиш” демократик партияси Марказий сайлов комиссиясига Ўзбекистон Республикаси Президентлигига партиядан кўрсатилган номзодни рўйхатга олиш учун зарур бўлган ҳужжатларни тақдим этганини қайд этди. Марказий сайлов комиссияси Ўзбекистон Республикаси Президентлигига партиядан кўрсатилган номзодни рўйхатга олиш учун тақдим этилган ҳужжатларни кўриб чиқиб, “Ўзбекистон Республикаси Президенти сайлови тўғрисида”ги қонуннинг 14 ва 25-моддаларига мувофиқ, 2015 йил 14 февраль кuni “Акмал Холматович Саидовни Ўзбекистон Республикаси Президентлигига номзод этиб рўйхатга олиш тўғрисида”ги қарор қабул қилди.

Учрашувда Ўзбекистон Республикаси Президентлигига номзодларга сайловолди ташвиқотини олиб бориш учун тенг имкониятлар яратилганига алоҳида эътибор қаратилди.

— Сайловолди ташвиқот Президентликка номзодлар ва сиёсий партиялар учун муҳим фаолият саналади, — деди партия раҳбари. — Унинг тўғри ва самарали ўтказилиши номзодлар сайловда эришадиган натижаларга салмоқли таъсир кўрсатиб, сиёсий партиялар обрў-эътибори ўсиши ва уларнинг электорати сафи кенгайишига, энг муҳими, фуқароларнинг ижтимоий-сиёсий фаоллиги ошишига хизмат қилади. Ҳозирги кунда

сайлов кампанияси жараёни қизгин паллага кирган. Ўзбекистон “Миллий тикланиш” демократик партияси барча ҳудудда Ўзбекистон Республикаси Президентлигига номзод Акмал Саидовнинг сайловолди ташвиқотини ташкил этмоқда. Ўзбекистон “Миллий тикланиш” демократик партияси Марказий кенгашидаги сайлов штаби Ўзбекистон Республикаси Президентлигига номзод билан келишган ҳолда сайловчилар билан учрашувларни ўтказиш жадвалини тасдиқлади. Номзодимиз бугунги кунга қадар Сурхондарё, Қашқадарё, Наманган, Андижон, Фарғона, Хоразм, Бухоро, Навоий ва Тошкент вилоятлари, Тошкент шаҳри ҳамда Қорақалпоғистон Республикасида жами 12 учрашув ўтказди ва уларда қарийб 6 мингта яқин сайловчи иштирок этди.

Ишончли вакилларнинг республикамизнинг барча ҳудудда сайловчилар билан учрашувлари жадвали тасдиқланган. Унга кўра, айни вақтда ишончли вакилларнинг сайловчилар билан учрашувлари бўлиб ўтмоқда. Партия қонунчилиқда кўзда тутилган сайловолди тарғиботини ўтказишнинг барча тури, шакли ва усулларидан самарали фойдаланмоқда. Жумладан, Ўзбекистон Республикаси Президентлигига номзоднинг таржимаи ҳоли ва сайловолди дастури акс этган 80 минг нусхада рисола ва тақвим тарқатилди. Барча ҳудудий ва маҳаллий партия ташкилотлари, номзоднинг ишончли вакиллари ушбу материаллар билан таъминланди. Шунингдек, партиянинг бх3 ҳажмдаги 829 дона ташвиқот баннери тайёрланиб, Тошкент шаҳри,

барча вилоят, туман ва шаҳарларда жойлаштирилди.

Партия оммавий ахборот воситалари орқали сайловолди ташвиқотини фаол олиб бормоқда. Бугунги кунгача “Ўзбекистон” ва “Ёшлар” телеканаллари орқали Ўзбекистон Республикаси Президентлигига номзоднинг саккизта учрашуви намойиш этилди. “Халқ сўзи”, “Народное слово”, “Правда Востока” ва бошқа босма нашрларда Президентликка номзоднинг сайловолди ташвиқотини ёритиш бўйича саккизта мақола чоп этилди.

Партия сайловолди ташвиқотида “Миллий тикланиш” газетасидан ҳам самарали фойдаланилмоқда. Сайлов кампанияси даврида босма нашр ади ошди. Газетада мунтазам равишда номзод ва унинг ишончли вакилларининг сайловчилар билан учрашувларини ёритувчи ташвиқот материаллари, Ўзбекистон Республикаси Президентлигига номзод сайловолди дастурининг асосий йўналишлари чоп этилмоқда.

Партия ўз сайловолди ташвиқотида интернет имкониятларидан ҳам кенг фойдаланмоқда. Жумладан, mt.uz, uza.uz, xs.uz, kun.uz, daryo.uz сайтларида Ўзбекистон Республикаси Президентлигига номзоднинг сайловолди ташвиқоти, номзоднинг сайловчилар билан учрашувлари ҳақида ахборотлар жойлаштирилмоқда.

ЕХҲТ Демократик институтлар ва инсон ҳуқуқлари бўйича бюросининг кузатувчилар миссияси раҳбари Каетана де Зулуета хоним учрашув самимий ва очик мулоқот тарзида ўтгани, Ўзбекистон Республикаси Президентини сайловда иштирок этиш учун таклиф олганидан мамнун эканини билдирди.

ЎзМТДП ахборот хизмати

Хроника

Меҳрибон, фидойи, оқила аёллар

оила ва жамиятнинг кўрки, таянчи

КОРАҚАЛПОГИСТОН

Аёлларга иззат-икром кўрсатиш, уларнинг оғирини енгил қилиш миллатимизга хос фазилат, азалий қадриятларимиздан. Зеро, оиладаги тотувлик, жамиятдаги барқарорлик, юртдаги осойишталиқни сақлаб туришда аёлларнинг алоҳида ўрни бор. ЎзМТДП Хўжайли туман кенгаши ўтказган “Аёлга эҳтиром” мавзусидаги тадбирда ана шулар тўғрисида фикрлашилди.

— Истиқлол туфайли хотин-қизларимизга юксак эътибор кўрсатилиши самарасида уларнинг оила ва жамиятдаги ўрни мустаҳкамланмоқда, — деди партия туман кенгаши раиси П.Машарипова. — Бугунги тадбирни ўтказишдан кўзланган асосий мақсад партияимизнинг дастурий вазифаларидан келиб чиқиб, туманимизда турли соҳаларда ижод ва меҳнат қилаётган истеъдод эгалари, фаол хотин-қизларни қўллаб-қувватлаш, уларнинг ижод намуналарини намойиш этишга кўмаклашишдан иборатдир.

Тадбирда аёллар ижтимоий-сиёсий фаоллигини ошириш, уларни партия сафларига жалб этишни кучайтириш борасида янги ва таъсирчан лойиҳаларни ишлаб чиқиш юзасидан фикр-мулоҳазалар, амалий таклифлар билдирилди.

СИРДАРЁ

Хотин-қизлари эъзозланган, қадрланган юртнинг бугуни ва эртаси ёруғ, турмуши фаровондир. Бугун аёлларимиз барча соҳада фаол меҳнат қилиб, ўзларининг билим ва салоҳиятини Ватан равнақи, эл-юрт фаровонлиги учун сафарбар этаётир. Халқаро хотин-қизлар кuni муносабати билан ЎзМТДП Гулистон шаҳар кенгаши ўтказган “Барча шодлик сизга, аёллар” мавзусидаги тадбирда шу ҳақда сўз юритилди.

— Хотин-қизларнинг жамиятни модернизация қилиш, маънавий қадриятлар, халқ аъналарини сақлаш ва бойитиш жараёнларида фаол иштирокини таъминлашга кўмаклашиш ЎзМТДПнинг устувор мақсад-вазифаларидан биридир, — деди партия шаҳар кенгаши раиси ўринбосари З.Қаршибоева.

— Шу боис, ҳунармандчилик, оилавий тадбиркорлик ва касаначилиқни ривожлантириш орқали улар бандлигини таъминлаш, оналик ва болалиқни муҳофаза қилиш бўйича аниқ чора-тадбирлар режасини ишлаб чиққанмиз. Бу борада маҳаллий кенгаш депутатлари ҳамда бир қатор ҳамкор ташкилотлар билан ҳамжиҳатликда иш олиб бораёلمиз.

Тадбирда янграган Ватан, баҳор, аёлни мадҳ этувчи куй-қўшиқлар иштирокчиларга байрамона кайфият бағишлади.

ҚАШҚАДАРЁ

Сўнгги йилларда мамлакатимизда хотин-қизларни спортга кенг жалб этиш, оилавий спортни ривожлантириш масаласига алоҳида эътибор қаратилаётир. Натижада спорт билан мунтазам шуғулланаётган қизлар сафи тобора кенгаймоқда. Улар орасида бадий гимнастика, гимнастрада, синхрон сузиш сингари спортнинг нафис турлари тобора оммалашмоқда. ЎзМТДП Қосон туман кенгаши “Соғлом қизлар — соғлом келажақ пойдевори” мавзусида ўтказган тадбирда шу ҳақда сўз борди.

Тадбирда хотин-қизларга спорт билан шуғулланишни кенг тарғиб қилиш учун тарғибот-ташвиқот ишларини жонли тарзда, ҳаётий мисоллар ёрдамида олиб бориш, спортда улкан ютуқларни қўлга киритиб, юртимиз довуғини дунёга таратаётган спортчи қизларни тадбирларга кенг жалб қилиш, улар билан спортнинг соғлом турмуш тарзи ҳамда гўзалликка таъсири ҳақида самимий мулоқотлар ўтказиш муҳим аҳамият қасб этиши таъкидланди. Қизларни спортга янада кенг жалб қилишда партиянинг маҳалла ҳамда хотин-қизлар қўмиталари билан ҳамкорлигини мустаҳкамлаш, оилалар билан доимий ишлашни янада кучайтириш, улар ўртасида турли спорт мусобақаларини мунтазам ўтказиш лозимлиги қайд этилди.

ХОРАЗМ

Жисмонан соғлом ёш авлодни тарбиялаб вояга етказиш, ёшларнинг кенг қўламада спорт билан мунтазам шуғулланиши учун қўлай шарт-шароитлар яратиш, миллий спорт турларини қайта тиклашга кўмаклашиш сингари дастурий вазифалар ижросини таъминлаш мақсадига ЎзМТДП Хоразм вилоят кенгаши ҳамда қатор ташкилотлар ҳамкорлигида қизлар ўртасида миллий кураш бўйича вилоят биринчилиги ўтказилди.

Тадбирда мустақил ҳаётга катта умид билан кириб келаётган навқирон авлоднинг соғлом ва баркамол бўлиб вояга етиши йўлида кўрсатилаётган улкан эътибор ҳамда ғамхўрлик, замонавий спорт мажмуалари, болалар ва ўсмирлар спорт мактабларида яратилган кенг имкониятлар ёшларнинг спортга қизиқишини янада ошираётгани, соғлом турмуш тарзига ошно тутинаятган ўғил-қизлар сафи тобора кенгайиб бораётгани таъкидланди. Ёш авлод вакиллари спорт машғулотлари орқали саломатлигини мустаҳкамлаш билан бирга, турли халқаро мусобақаларда юрт шарафини муносиб ҳимоя қилмоқдалар.

Яқунда беллашув голибларига партия вилоят кенгашининг фахрий ёрлик ҳамда қимматбаҳо совғалари топширилди.

ТОШКЕНТ ШАҲРИ

ЎзМТДП Тошкент шаҳар ва Миробод туман кенгашлари “Аёллар қаноти” Ўзбекистон халқ шоири Зулфия таваллудининг юз йиллиги муносабати билан “Баҳор келди сени сўроқлаб...” мавзусида тадбир ўтказди.

— Баҳорни миллатимиз фарқи, мунис ва мўътабар Ўзбек аёлининг барча эзгу фазилатларини ўзида мужассам этган шоира Зулфияхоним таваллудини нишонлаш билан кутиб олиш аънаънага айланган, — деди ЎзМТДП Тошкент шаҳар кенгаши Ижроия қўмитаси девони бош мутахассиси Ойбек Иброҳимхонов. — Ўзбек зиели аёлининг ёрқин тимсоли бўлган шоира ўз билими, тафаккури, ташкилотчилик фазилатлари билан жамият равнақи-га, сермахсул ижоди билан миллий адабиётимиз, ўткир қалами билан миллий журналистикамиз ривожига улкан ҳисса қўшган ижодкордир. Айниқса, “Ўзбекистон халқ шоири Зулфия таваллудининг 100 йиллигини нишонлаш тўғрисида”ги қарор нафақат шоира, балки юртимиз аёлларига бўлган чексиз ҳурмат-эҳтиром намунаси бўлди.

Тадбирда Зулфияхоним ижодида Ватанга муҳаббат, вафо ва садоқат туйғулари, юртимизнинг гўзал табияти ўзига хос тарзда тараннум этилгани, унинг ҳаёт йўли, бетакрор ижоди хотин-қизлар, айниқса, ёш авлод учун ибрат мактаби экани, шоира ижодини ўрганиш борасидаги тадбирлар қўламини янада кенгайтириш лозимлиги таъкидланди.

НАМАНГАН

Ана шу мавзудаги яна бир тадбир ЎзМТДП Наманган вилоят ҳамда Қосонқий, Чуст, Наманган туман кенгашлари ҳамкорлигида ўтказилди.

Таъкидланганидек, миллий адабиётимизни юксалтириш, жаҳонга танитишда ўзининг серқирра ижоди, ўткир қалами, ёрқин тафаккури билан муносиб ҳисса қўшган атоқли, ардоқли ижодкорлар сафига Ўзбекистон халқ шоири Зулфиянинг муносиб ўрни бор. У республикамиз хотин-қизлари маънавиятини юксалтириш, уларнинг ижтимоий-сиёсий ҳаётдаги фаоллигини кучайтириш, аёлининг оиладаги ва жамиятдаги нуфузини оширишга хизмат қилган “Саодат” журналига узоқ йиллар раҳбарлик қилиш билан бирга жўшқин ижод қилиб, даъваткор, ҳаётбахш шеърляти билан Ўзбек адабиёти равнақида муносиб улуш қўшди.

Тадбирда халқимизнинг суюкли шоираси Зулфиянинг ибратли ҳаёт йўли, шеърларида қуйланган юксак инсоний фазилатлар ёшлар маънавиятини юксалтиришга, улар қалбига она юртга муҳаббат туйғусини шакллантиришга хизмат қилиши таъкидланди.

Шаҳзод ҒАҒҒОРОВ,
“Milliy tiklanish” мухбири

Сана

Аёллари эъзозланган юрт

ёҳуд истиқлол имкониятларининг ЎзМТДП хотин-қизлари фаолиятидаги рўёби

Халқимиз ҳамиша аёл зотиغا ор-номус, садоқат, ҳаё, вафо, нафосат, меҳр тимсоли сифатида эъзоз-ардоқ, чексиз ҳурмат-эҳтиром кўрсатиб келган. Қон-қонимизга сингиз кетган бу қадрият истиқлол йилларида ўзининг том маънодаги ҳаётий ифодасини топиб.

Юртимизга ўзининг файзу таровати билан таширф буюрган кўклам байрамларининг аввали ҳам мунис ва муқаррам аёллар айёми билан бошланади. Баҳор нафаси уфуриб, қир-адирларда бойчечак бўй кўрсатиб, кўнгилларга эзгулик ёғдулари ёғила бошлаган паллада халқаро миқёсда кенг нишонланадиган Хотин-қизлар кuni юртимизнинг барча гўшасида катта шодиёна билан қарши олинади. Нозик ва улугвор хилқат саналимиш хотин-қизлар масаласи давлатимиз сиёсатининг устувор йўналишларидан бирига айлангани ҳам бежиз эмас.

ЎзМТДП Марказий ва Тошкент шаҳар кенгашлари ҳамкорлигида ташкил этилган “Барча шодлик сизга — аёллар” мавзусидаги тадбирда шу ҳусусда сўз борди. Унда партия Марказий кенгаши ва Олий Мажлис Қонунчилик палатасидаги фракцияси, Тошкент шаҳар кенгаши аъзолари, “Аёллар қаноти”, “Ёшлар қаноти” ҳамда бошланғич партия ташкилотлари етакчилари иштирок этди.

— Истиқлолнинг дастлабки кунларидан мамлакатимизда хотин-қизларнинг жамиятдаги роли, ўрни ва нуфузини мустаҳкамлаш, ижтимоий-сиёсий фаоллигини ошириш борасида кенг қўламли ислохотлар амалга оширилмоқда, — деди тадбирда ЎзМТДП Марказий кенгаши Ижроия қўмитаси девони хотин-қизлар ижтимоий-сиёсий фаоллигини ошириш масалалари бўлими бошлиғи Ханифа Зокирова. — Бош қомусимизнинг алоҳида далолати оила, оналик ва болалиқнинг давлат томонидан муҳофаза қилиниши масаласи мустаҳкамланди. Аёлларга бўлган юксак эҳтиромнинг амалий ифодаси сифатида хотин-қизларнинг жамият ҳаётидаги ролини кучайтириш, улар манфаатини ҳимоялашга қаратилган 80 дан ортқ ҳужжатлар қабул қилинди. Бу



ислохотлар жараёнида сиёсий партиялар ҳам муносиб иштирок этишга интиломоқда. Ўзбекистон “Миллий тикланиш” демократик партияси ҳам ўз дастурий мақсад ва вазифаларидан келиб чиқиб, хотин-қизларнинг ижтимоий-сиёсий, маънавий-маърифий ва ҳуқуқий саводхонлигини ошириш, мамлакатимизда кечаётган ислохотлар жараёнида фаол иштирокини таъминлашга кўмаклашиш, жамиятнинг асосий бўғини саналмиш оила институтини мустаҳкамлаш борасида муайян сайёҳаракатларни амалга оширмоқда. Айни пайтда ЎзМТДП аъзоларининг қарийб 48 фоизини хотин-қизлар ташкил этаётгани ҳам партияимиз фаолиятида аёлларнинг ўрни ва роли ортиб бораётганидан далолат. ЎзМТДП сайловолди Платформасининг ҳар бир йўналишида белгиланган вазифалар бевосита хотин-қизлар, фарзанд тарбиясига дахлдорлиги, мунис оналар манфаати билан уйғунлиги партияимиз ғояларининг ҳаётий бўлиши ва хайрихоҳларимиз сафининг кенгайишига хизмат қилаётир.

Тадбирда ЎзМТДП Тошкент шаҳар кенгаши раиси ўринбосари Даврон Сафаров сўзга чиқиб, мамлакатимизда хотин-қизларга берилган эътибор, яратилаётган шарт-шароитлар, бу жараёнда ЎзМТДП иштироки ҳақида тўхталиб ўтди.

Партия “Ёшлар қаноти” фаоллари томонидан аёлни мадҳ этувчи сахна кўринишлари, куй ва қўшиқлар тадбирга байрамона руҳ бағишлади.

Мухтабар ҲУСАНОВА,
ЎзМТДП фракцияси аъзоси:

— Мамлакатимиз хотин-қизларига кўрсатилаётган юксак эътибор ва эҳтиром уларни жамиятнинг барча жаҳасида эркаклар билан елкама-елка туриб меҳнат қилишга, ўз салоҳияти ва иқтидорини намоён қилишларига қанот бағишламоқда. Хотин-қизлар учун Асосий қонунимиз, қатор қонунлар, фармон ва қарорларда белгилаб қўйилган ҳуқуқий кафолатлар, давлат муқофотларининг таъсис этилгани уларни янги марралар сари ундамоқда. Бугунги кунда жами меҳнатга лаёқатли аёлларнинг 62 фоизи жамиятнинг деярли барча соҳаларида фаолият юритаётгани ҳам шу эътибор самарасидир.

Таъкидлаш жоизки, бу жараёнда партияимизнинг улуши ҳам салмоқли. Бугунги кунда Олий Мажлис Қонунчилик палатасидаги фракциямиз аъзоларининг 17 фоизини, халқ депутатлари вилоят кенгашларидаги депутатларимизнинг 28 фоизини, туман, шаҳар кенгашлари депутатларининг 24 фоизини, бошланғич партия ташкилотлари етакчиларининг 56 фоизини аёллар ташкил этади. Бу эса партияимизда ташаббускор хотин-қизлар сафи кенгайиб, улар ҳам оила, ҳам жамият ишида фаол иштирок этишаётганидан ёрқин ҳаётий мисолдир.

Феруза ИБРАГИМОВА,
ЎзМТДП фракцияси аъзоси:

— Ўзбекистон “Миллий тикланиш” демократик партияси хотин-қизларнинг оила ва жамиятдаги ўрнини мустаҳкамлаш, уларнинг маънавий йўналишдаги ислохотларда фаол иштирок этишини таъминлаш йўлида изчил фаолият олиб бормоқда. ЎзМТДПнинг Олий Мажлис Қонунчилик палатасидаги фракцияси аъзоси сифатида “Аёллар қаноти” томонидан ташкил этилаётган тадбирларда аҳоли, жумладан, хотин-қизларга қонунлар, амалдаги фармон ва қарорлар, давлат дастурлари мазмун-моҳияти ҳақида тушунтириш ишларини олиб бормоқдамиз. Уларнинг фикр-мулоҳазалари, ташаббускорлиги истиқлол ўзбек аёллари ҳаётида янги уфқлар очганига ёрқин ҳаётий мисолдир.

Лайло МУҲИТДИНОВА,
ЎзМТДП фаоли:

— Аёлларни улуғлаб, ардоқлаб яшайдиган халқ — буюк халқ. Бу юксак маданият ва олижаноб қадриятларнинг амалда намоён бўлишидир. Ушбу ҳаётий ҳақиқат истиқлол йилларида амалда тўла ўз исботини топди. Бугун ўзбек аёли ҳар жаҳада фаол, бахтли ва ҳаётдан маъно топиб яшамоқда, соғлом, баркамол авлодни тарбиялаб, вояга етказмоқда. Партияимиз сафига фаолият юритаётган аёллар ҳам ЎзМТДП ғояларини кенг тарғиб қилиш, мамлакатимизда амалга оширилаётган кенг қўламли ислохотларда фаол иштирок этишга интиломоқда. Улар фаолиятини рағбатлантиришга қаратилган қатор лойиҳа, кўргазма ва кўрик-танловлар мунтазам ташкил этилмоқда.

Шоҳида МИРЗАЕВА,
“Milliy tiklanish” мухбири

© 2015 йил — Кексаларни эъзозлаш йили

Юртимизда ҳамиша тинчлик-хотиржамлик, тўкин-сочинлик бўлсин



КИМЛИГИНГИЗ АНИҚ — МЕҲМОНСИЗ

Хорижий мамлакатдан келган делегация аъзоларининг Самарқанд шаҳридаги тарихий обидалар билан танишувида ҳамроҳлик қилишга тўғри келди. Меҳмонлар ҳар бир объектнинг қурилиш тарихи, бугунги ҳолати ҳақида гид-экскурсоводнинг сўзларини тинглаш баробарида, маҳаллий сайёҳлар билан ҳам суҳбатлашиб, самимий муносабатларини ифода этишга ҳаракат қилишарди. Регистон майдонида саёҳат чоғида набираси билан ушбу мажмуани томоша қилаётган отахон уларнинг эътиборини тортди.

Икки-уч кундан бўён юртимизда бўлиб, айрим ўзбекча сўз ва ибораларни ўрганиб олган меҳмонлардан бири “Ассалому алайкум” деб отахонга қўл узатди.

— Ваалайкум ассалом, — деди отахон. — Меҳмонга ўхшайсиз, хуш келибсиз юртимизга!

Таржимон меҳмон учун тушунарсиз бўлган иккинчи гапни унинг тилига ўғирди. Меҳмонлар бир зумда мезбон билан танишиб олди. Оқдарёнинг Даҳбед шаҳарчасидан деб ўзини таништирган Абдулла бобо гапга чечан экан, суҳбат роса кўр олди. Мирзо Улуғбек, Тиллақори ва Шердор мадрасаларининг бунёд этилиши, тарихнинг турли даврларида мажмуага бўлган муносабат ҳақида тўқинлашиб сўзлаб берди.

— Бу обидаларни бизнинг аجدодларимиз бунёд этган, бугунги авлод уларни асраб-авайламоқда, — деди Абдулла Қосимов Тиллақорининг офтобда товланаётган пештоқига гурур билан тикилганча. — Давлатимиз мустақилликка эришгандан кейин бу каби тарихий иншоотлар, муқаддас қадимжоларга муносабат тубдан ўзгарди. Бундан 25 йил олдин сиз кўриб турган Регистон ва унинг атрофи бундай обод эмас эди. Энди бу обода бор салобати, кўрку таровати билан бутун оламни ўзига маҳлиё этмоқда. Ҳар куни бир ободлик, бир янгилик. Бир йил олдин ҳам майдон бошқача эди. Бугун келиб, рост, ўзгаришлардан кўнглим янада ёришди, дилим кувнади. Соҳибқирон бобомизнинг “Бизнинг кимлигимизни билмоқчи бўлсангиз, биз қурган иморатларга боқинг”, деган ифтихор тўла сўзлари мус-

тақил Ўзбекистонда, орадан олти аср ўтиб яна ижобат бўлмоқда.

Отахонинг гапларини ҳайрат билан тинглаётган ҳамроҳларимиздан бири “Сиз тарихчимисиз, ҳозир нима иш қиласиз?” деб сўради.

Абдулла бобо бутун умри қишлоқ хўжалиги соҳасида меҳнат қилгани, Иккинчи жаҳон урушида қатнашиб, қарийб қирқ йилдан бўён пенсияда экани ва давлат томонидан пенсия тўлашишини айтганда, меҳмонлар бутунлай лол қолди. Суҳбат мавзуси ўз-ўзидан давлатимизнинг ижтимоий ҳимоя сиёсатига бориб тақалди. Абдулла бобо бу борада ҳам чечан экан, гап-сўзлари билан меҳмонларни ҳайратга солиб қўйди. “Болаларимнинг беш-олти нафари етмишнинг тагига борган, улар ҳам кексалик пенсияси олишади”, деганда барчамиз қулиб юборган бўлсакда, кўнглимизни бу пиру бадавлат отахонга кечис ҳурмат ва ҳавас чулғаб олганди.

Отахон меҳмонлар билан хайрлашиб олгандан уй манзилини айтиб, меҳмонга таклиф қилди. Шунда меҳмонларнинг ёши улуғи “Бизни биринчи марта кўраётган бўлсангиз, кимлигимизни билмасангиз ҳам уйингизга таклиф қилаверасизми?”, деди таажжуб ва ҳайрат аралаш.

Абдулла бобо эса табассум билан “Кимлигингиз аниқ-ку — меҳмонсиз. Юртимизнинг, демак, менинг ҳам меҳмонимсиз”, деб барчани яна бир бор ҳайратда қолдирди.

ХОТИРАЛАР КИТОБГА СИГНАЙДИ

Абдулла бобо билан учрашувимиздан бир неча ой ўтиб, яқинда йўлимиз Оқдарё туманига тушганда отахонни йўқлаб “Даҳбед” шаҳарча фуқаролар йиғинига кирдик. Йиғин раиси Фарҳод Шариповга мақсадимизни баён этганимизда “Жуда яхши-да, уйига меҳмон келса, отахон жуда хурсанд бўлади”, деб Навоий номидаги маҳаллага, Абдулла бобонинг хонадонига бошладди.

Кенжа фарзанд — Тоҳир ака бизни баҳаво ва саранжом ҳовлининг ўртасида ёзилган дастурхонга таклиф қилиб, “Ҳозир отамни қақираман” деганча ичкарига кириб кетди.

— Бемаврид келмадикми, меҳмон

кутишяпти, шекилли, — дедим Фарҳод акага юзланиб.

— Э, нималар деяпсиз, — кулди Фарҳод ака. — Қутилган меҳмон сизу биз-да. Бу хонадонда қутилмаган меҳмон бўлмайди, эшиги ҳам, дастурхони ҳам кўнглидай очик. Бобонинг олти ўғил, беш қизи бор. Набира, эвара, чевараларининг саногини юздан ошиб кетганига ҳам кўп йиллар бўлди. Улар ҳар куни бу ерга келиб, ота-оналари ҳолидан хабар олиб кетишади. Маҳалла-қўй, қариндош-уруғ ҳам кунда — шунда. Ахир пиру бадавлат нурунийлар шулар-да — Абдулла бобо бу йил 96 баҳорни, Марям она эса 90 баҳорни қарши олмақда. Лекин улар уйда ўтириб қолмаган, маҳаллага чиқиб, ўз тажрибаларини ёшларга ўргатади, маслаҳат беради. Тўй-маъракаларда бош бўлади.

Шу пайт ичкари хонадан Абдулла бобо чиқиб келиб, биз билан қадрдонлардек кўришди, ҳол-аҳвол сўради, дуо қилди. Самарқанд шаҳридаги учрашувимизни эслатдик.

— Ушунда мен барчангизни чин дилдан таклиф қилгандим, — деди самимий табассум билан. — Айниқса, меҳмонларнинг чет элдан экани ва гапларимни диққат билан тинглагани кўнглимни чоғ қилганди. Чунки илгари чет элга чиқишни-ку ҳаёлимизга келтирмасдик, ҳатто юртимизга келган сайёҳ билан ҳам гаплашиш тақиқланган эди. Бугун бўлса, нафақат дунёнинг исталган давлатига бориш, хорижлик меҳмонларни қутиб олиш мумкин, балки уйга таклиф этиб меҳмон қилинг, ҳеч ким индамайди. Қайтанга хурсанд бўлади. Сиз — муҳбирларнинг тили билан айтганда, энди дунёнинг эшиклари Ўзбекистон учун очик, бизни бутун жаҳон танимоқда, тан олмақда. Ҳақиқий эркинлик замони келди. Тўғри, илгари ҳам республика эдик. Лекин бу республиканинг қўл-оёғи боғланган, оғзи беркитилган эди. Урушдан олдинги қўлоқлаштириш, сургунларни гапирмайлик, Иккинчи жаҳон урушидан кейин мамлакат тинч-осойишта бўлса-да, бу тинчликнинг ости беҳаловат, хавотирли эди. Худди сокин оқаётган дарёнинг туби каби. Уша пайтлар қолхозда ишлаганим учун яхши биламан, куну тун меҳнат қилган деҳқоннинг қадри йўқ эди. Арзимас бир ҳато ёки камчилиги учун

ҳам қамалиб кетганлар кўп бўлган. “Пахта иши” деган бало эса халқимиз бошига кўз кўриб, қўлоқ эшитмаган қўл-фатлар солди. Турли уйдирма ва бўҳтонлар билан кимнингдир отаси, бошқасининг фарзанди ярим тунда уйдан олиб чиқиб кетилди. Бундай инсонларнинг кўпчилиги тақдирини номаълулигича қолди. Эҳ-ҳе, айтаверсам, бу ҳикоялар китобга сиғмайди. Ана шундай оғир вазиятда Худо бизга марҳамат кўрсатди. Халқимиз бошини бириктириш, келажакка ишонч уйғотиш ва давлатимизни мустабид тузум исканжасидан озод этиш учун элпарвар, қатъиятли ва жасур Президентимизни бизга бош қилди. Мана бугун халқимизнинг турмуш тарзи ҳам, тафаккури, дунёқараши ҳам ўзгарди. Ўзбекистон — келажиги буюк давлат, деган шиор шунчаки баландпарвоз гап эмас, айни ҳақиқат эканлигини бугун барча кўриб, ҳис қилиб турибди.

ҚАРИСИ БОР УЙНИНГ — ПАРИСИ БОР

Қарийб аср тенгдоши бўлган отахоннинг гоҳ кўзига ёш олиб, гоҳ завқланиб айтган ҳикояларини тинглаб ўтирганимизда хонага бобонинг пенсионер болалари — Дилбар опа, Самад ака, Муҳаббат опа, Маҳбуба опа, Азамат ака, Замира опа ва бошқа келин-куёвлар кириб келди.

— Барчамиз йиғилсак, ҳовлига сигмай кетамиз, билмаганлар бу ерда тўй бўлаяпти-ёв, деган ҳаёлга боради, — дейди Самад Қосимов. — Шу кўчанинг ўзидая йигирмадан зиёд хонадон бобонинг авлоди. Ўзим ҳам фарзандларимни уй-жойли қилганман, набираларим бир этак. Лекин ота-она олдида бир умр бола бўлиб қолар эканмиз. Бирор иш бошладан олдин улардан маслаҳат сўраймиш, дуоларини оламиз.

— Мендан кўпчилик узок умр кўриш сирини сўрайди, — дейди Абдулла бобо. — Бу саволга юртимиздаги тинчлик-хотиржамлик, ўзаро меҳр-оқибат, ҳам-жихатлик муҳити, давлатимизнинг ўз фуқароларига ғамхўрлиги, деб жавоб бераман. Айниқса, кекса авлод вакилларига бўлган муносабат, эътиборнинг қиёси йўқ. 2015 йил мамлакатимизда Кексаларни эъзозлаш йили, деб эълон қилингандан бўён ўзимни янада бардам ҳис қиляпман. Фарзанду набиралардан ташқари маҳалла-қўй, ҳокимлик вакиллари ҳол-аҳвол сўраб турибди, барака топсин. Ўтган куни Тошкентдан ва вилоятдан келиб, байрам билан табриклашди. Хурсандчиликдан бир неча йилга яшариб кетгандай бўлдим. Бундай эъзоз, ғамхўрлик кишини қаритмайди-да. Яқинда шифокорлар келиб тиббий кўрикдан ўтказди. Келганларинг учун раҳмат, лекин мен соппасоғман, отдайман, дедим. Насиб этса, ёз ойларида момонгиз билан бирга водийдаги санаторийга бориб дам олиб келамиз, соғлигимиз яна ҳам мустаҳкам бўлади.

Абдулла бобо билан хайрлашар эканмиз, отахон қўлини дуога очди: Юртимизда ҳамиша тинчлик-омонлик, тўкин-сочинлик бўлсин. Кейин қўлини кўксига қўйганча деди: 9-май куни албатта келинлар, азият меҳмоним бўласизлар.

Биз келишга ваъда бердик.

Ғолиб ҲАСАНОВ,
Ўза муҳбири

ДУНЁДАН ДАРАКЛАР

Мақсадли сарф

Япония ҳукумати 2011 йилда юз берган зилзила оқибатларини бутунлай бартараф этиш учун беш йил давомида 50 миллиард доллар ажратишни режалаштирмоқда, деб хабар беради РАТА-ТАСС агентлиги.

Хабарда айтилишича, маблағ мамлакатнинг нисбатан кўп зарар кўрган шимоли-шарқий туманларига йўналтирилади. Маблағ эвазига Иват, Мияги ва Фукусимада янги уй-жойлар қурилади. Бу орқали зилзила оқибатларини бартараф этиш учун шу кунга қадар ажратилган маблағларнинг умумий миқдори 250 миллиард АҚШ долларига етади. Эслатиб ўтамиз, 2011 йил 11 март куни мамлакатнинг шимоли-шарқидан юз берган 9 магнитудали зилзила оқибатида “Фукусима-1” атом электр станцияси (АЭС) талофат кўрганди. Ушунда ер силкинишидан кўп ўтмай юз берган цунами оқибатида АЭСнинг олти реакторидан тўрттаси сув остида қолиб кетган, совитиш тизими фаолияти издан чиқиб, портлаш юзага келган эди.

Иқтисодий пасайиш

Хитой ҳукумати жорий йилда мамлакатда иқтисодий пасайиш кузатилишини маълум қилди.

Унга кўра, ялпи ички маҳсулот аввалги 7,5 фоиздан 7 фоизга тушиши кутулади. Хитой раҳбарияти ЯИМнинг барқарорлигини таъминлаш учун барча чорани қўришни маълум қилган. Бунинг учун макроектисодий барқарорлиқни таъминлаш кўзда тутилган.

Дунё бўйлаб парвоз

Кўёшдан қувват оладиган самолёт биринчи марта дунё бўйлаб парвоз қилиш учун ҳавога кўтарилди.

Самолёт Абу-Даби шаҳридаги Ал-Батин аэропортидан йўлга чиққан. Solar Impulse номли мазкур учиб аппарати лойиҳасини Франциянинг “Dassault Systemes” бюроси тайёрлаган. Самолётнинг тақдироти ўтган йил бўлиб ўтган эди. Самолёт қанотларининг умумий узунлиги 72 метрни, оғирлиги 2,3 тоннани ташкил қилади. Унинг яхлит қилиб ишланган қаноти 17,2 минг дона қўёш батареялари билан қопланган. Самолётнинг максимал учуш тезлиги соатига 140 километрни ташкил қилади. У ҳар қандай об-ҳаво шароитида ҳам парвоз қила олиш имкониятига эга. “Solar Impulse” туркумидаги ilk самолёт 2010 йил 7 апрель куни биринчи бор синовдан ўтказилган, ушунда 75 дақиқалик парвоз амалга оширилган эди. 2013 йилда эса “Solar Impulse” самолёти 1,5 минг километр масофани 26 соатда босиб ўтиб, ўзига хос рекордни қайд этганди.

Шакар заҳарга айланмасин

Жаҳон соғлиқни сақлаш ташкилоти шакарни кўп истеъмол қилиш соғлиқ учун зарарли эканини маълум қилди.

Унга кўра, инсоннинг кунлик истеъмол қиладиган шакар миқдори 25-30 грамм — 12 чой қошиғидан ошмаслиги керак. Яъни шакар миқдори катта ёшдаги инсонларнинг кунлик қабул қиладиган калориясининг 10 фоиздан ошмаслиги лозим. Жаҳон соғлиқни сақлаш ташкилоти тадқиқотларига кўра, Жанубий Америкаликлар кунига 130, Шимолий ва Марказий Америка фуқаролари 95, Фарбий Европалықлар эса 101 граммгача шакар истеъмол қилишади.

Интернет хабарлари асосида тайёрланди.

© Рангин дунё

Малайя архипелаги умумий майдони салкам 2 миллион квадрат километр. Аҳолиси тахминан 95 миллион киши. Индонезия, Малайзия (қисман), Бруней, Шарқий Тимор, Филиппин давлатлари ва яна бир қанча оролар айнан шу архипелаг ҳудудида жойлашган.


Архипелагга Малайя номини қадимги ҳинд денгизчилари беришган. Уларнинг тилида “малайя” — “тоғлар ўлкаси” деган маънони англатади. Дарҳақиқат, бу ердаги барча орол тоғ жинслари, вулкнлар отилиши натижасида ҳосил бўлган. Суматра ва Калимантан архипелагининг энг йирик ороллари ҳисобланади. Унинг фарбий қисмини тоғлар ва ясси тоғлиқлар банд қилган. Суматра тоғларининг тузилишида вулкн жинслари катта роль ўйнагани рост. Улардан бутун-бутун ясси тоғлиқлар ҳосил бўлган. Суматранинг жанубий қисмида ҳозир ҳам вулкнлар отилиб туради.

Архипелагининг яна бир ороли — Ява аҳолисининг зичлиги билан фарқланади. Ява ороли

ёш чўкинди жинслар ва вулкн отилиши натижасида ҳосил бўлган. Бу ерда ўнлаб ҳаракатдаги вулкнлар мавжуд. Баъзи вулкнлардан оловли чанг ёки газ булути ажралиб чиқади. Ява вулкнлари 3 минг метр баландликкача отилиши мумкин. Вулкн тоғлари орасида ҳосил бўлган сойлиқларда аҳоли зич ўрнашган, ерлар ўзлаштирилган. Шаҳарлар ўша сойлиқлар номи билан аталади. Мисол учун Бандунг сойлиги ва ҳоказо.

Калимантан оролида архипелагининг энг баланд нуқтаси — Кинабалу (4101 метр) чўққиси жойлашган. Қирғоқлар бўйлаб эса кенг пасттекислик ва платолар жойлашган. Уларни тоғ тармоқлари ёки якка тоғлар бир-биридан ажратиб ту-

Малайя архипелаги



ради. Калимантанда вулкнлар йўқ. Бироқ, орол олмос конлари ва нихоятда бой. Малайя архипелагидаги баъзи бир ороллар қатори Калимантан аҳоли-

си сийрак жойлашган, табиати деярли ўрганилмаган. Оролнинг 85 фоиз майдони турли хил ўрмон дарахтлари билан қопланган.

Архипелаг ороллариининг катта қисми экватор яқинида жойлашган. Шу боис бу ерда экваториал ва тропик денгиз ҳаво-си ҳукмрон. Бу, ўз навбатида,

хароратнинг доимийлиги, кучли намлик ва ёғинларнинг мўл-кўллигини таъминлайди. Малайя архипелаги дарёларининг сув сатҳи йил давомида деярли ўзгармайди. Яванинг жанубий шарқи бундан мустасно. Ушбу оролда қурғоқчилик пайтида кичик дарёлар умуман қуриб қолади. Ороллардаги дарёларнинг кўпчилиги қисқа дарёлардир. Калимантан ҳудудидан оқиб ўтувчи энг катта дарё — Капуаснинг узунлиги 1400 километрга етади. Дарёлар юқори оқимидан асосан сув захира-сини тўплашда, қуйи оқимидан эса суғориш ва кемалар қатно-вида фойдаланилади.

Малайя ороллари 1500 метр баландликдаги тоғ тропик ўрмонлари билан ҳам машхур. Йирик ороллар, ўлқанинг шимо-лий ва жанубий қисми мус-сон ўрмонлари ҳамда саванна-ларга бой. Айниқса, денгиз қир-ғоқларидаги пасттекислиқлар ва дарё дельталари дунёдаги

энг бой мангра ўрмонзорлари-га эга. Бу ердаги турфа хайвон-ларни эса сайёрамизнинг бош-қа бир қисмида учратиш амри-маҳол. Оролнинг тоғ тропик ўрмонларида яъни 1500 метр-дан юқорида асосан игна-барг-ли дарахтлар, доимий яшил эманлар ўсади. Дарахтлар та-наси, уларнинг осилиб тушган шох-шаббалари қалин ўсимлик-лар билан қопланган.

Умуман олганда, архипелаг-даги барча орол тропик ўрмон-лари, наботот ва хайвонот ола-мининг бойлиги билан ажра-либ туради. Ява оролининг фар-бий қисмини эгаллаган мил-лий боғда ана шундай гўзал-лиқлардан баҳра олиш мум-кин. Боғ ЮНЕСКОнинг жаҳон маданий мероси рўйхати-га киритилган. Бир неча майда ороллари ўз ичига олган боғ хушманзара табиат манзара-ларидан ташқари, ўз вулкони-га ҳам эга.

Зафар МУҲАММАД

Видеоконференция

Мурожаат ортида инсон бор

Меҳнат ва аҳолини ижтимоий муҳофаза қилиш вазирлигида «Жисмоний ва юридик шахсларнинг мурожаатлари тўғрисида»ги қонун ижросига бағишланган видеоконференция ўтказилди.

Унда вазирлик масъул ходимлари, вилоят бошқармалари раҳбарлари, аҳолини ижтимоий муҳофаза қилиш ва бандликка кўмаклашиш марказлари мутасаддилари иштирок этди.

2014 йил 3 декабрда қабул қилинган мазкур қонун жисмоний ва юридик шахсларнинг мурожаатларини кўриб чиқишнинг таъминлаш ҳуқуқий асосларини янада такомиллаштириш, фуқароларнинг ҳуқуқ ва эркинликларини, юридик шахсларнинг қонуний манфаатларини ҳимоя қилишининг кўшимча қафолатларини таъминлашга хизмат қилади.

Мамлакатимизда фуқароларнинг Конституция асосида қафолатланган ваколатли органларга мурожаат этиш ҳуқуқи амалда тўлиқ таъминланаётган. Вазирлик мутасаддилари ҳам ўз ваколати доирасида масалани имкон қадар тезроқ ҳал этиш, ёрдам сўраб келган инсонлар мурожаатини ўрганиб чиқиш, уларга объектив баҳо берган ҳолда тегишли бошқарма ёки бўлимга юбориш, унинг ижроси устидан назорат олиб боришга алоҳида эътибор қаратаётгани таъкидланди.

Бундан ташқари, вазирлик тизимидаги жисмоний ва юридик шахслар билан ишловчи масъул ходимларга тегишли қонун ва меъёрий ҳужжатларнинг мазмун-моҳияти, улардан иш жараёнида фойдаланиш, келиб тушаётган мурожаатлар юзасидан тегишли фаолиятни тез ва сифатли амалга оширишда нималарга аҳамият бериш лозимлиги ҳақида кўрсатмалар берилди.

Айтиш жоизки, ахборот-коммуникация технологияларининг кенг жорий этилиши вазирлик тизимидаги ташиқлотлар билан ўзаро алоқани нафақат электрон кўринишда, балки видеоконференция ўтказиш орқали янада муостахкамлаш имконини бермоқда. Бундай анжуманларда мутахассислар жонли мулоқот жараёнида ўзларини қизиқтирган саволларга жавоб олаётди.

Таъкидланганидек, қонунда нафақат жисмоний ва юридик шахслар, балки мамлакатимиз фуқаролигига эга бўлмаган инсонлар ҳам тегишли идораларга мурожаат этиши мумкин. Ушбу мурожаатларни оғзаки, ёзма ёки электрон шаклда йўллаш имкони мавжуд.

Анжуманда вазирлик лойиҳалаштирган тарғибот қўлланмалари ҳам намойиш этилди. Унга кўра, жисмоний ва юридик шахсларнинг қай йўсинда мурожаат этишлари, ушбу мурожаатлар (ариза, шикоят, таклиф) мазмун-моҳиятига кўра, вазирлик фаолиятига тегишли эканлиги инобатга олинган ҳолда беш ёки ўн беш кун давомида, қўшимча ҳужжатларни сўраб олиш талаб этилганда эса бир ойгача бўлган муддатда кўриб чиқилиши лозим.

Зафар МУҲАММАД,
"Milliy tiklanish" мухбири

Кўргазма

Шарқ амалий санъати ва миниатюраси

Алишер Навоий номидagi Ўзбекистон Миллий кутубхонаси китоби музейида Шарқ амалий санъати ва миниатюрасига оид китоблар кўргазмаси ташкил этилди.

Экспозициядан XIX аср бошланиши ва XX асрда нашр қилинган соҳага доир 45 китоб ва альбом ўрин олган. Унда қадимий архитектура обидалари, деворий нақшлар, ёғоч ўймакорлиги, ганчкорлик, ҳайкалтарошлик, қулолчилик, каштадўзлик, чарм ва турли металлдан ясалган буюмлар, хаттотлик, ғилам ва унинг безаклари акс этган расмлар билан ҳам танишиш мумкин.


Кўргазмага қўйилган ҳар бир миниатюра асарига қисқа тарихий маълумотлар берилган "Навоий даври портретлари" китоби ҳамда Заҳириддин Муҳаммад Бобурнинг "Бобурнома" асарига ишланган расмлар тўплами иштирокчиларда қизиқиш уйғотмоқда.

Кўргазма намоиши март ойининг охиригача давом этади.

Хасан АБДУНАЗАРОВ

Мозийдан садо

Тарих ва бугун бирлашган маскан



Мустақиллик даврида мамлакатимиз музейлари халқимиз тарихи, маданияти, санъати ва қадриятлари ҳолисона акс эттирилган маънавият масканига айланди. Ўзбекистон тарихи давлат музейи юртимиз тарихи ва бугунги жой бўлган ана шундай маърифат ўчоғидир. Ушбу музейни юртимиздаги энг йирик маънавият ва маърифат масканларидан бири, деб айтиш мумкин. Унинг заҳирасида 300 мингдан ортиқ бебаҳо осори-атиқалар, археология, нумизматика, этнография, тасвирий санъат намуналари ва ҳужжатлар сақланмоқда.

Узоқ ўтмишдан дарак берувчи бу осори-атиқаларни асраб-авайлаш, келгуси авлодларга етказиш музей фаолиятининг асосини ташкил этади.

Музейга кираверишда Ўзбекистон ҳаритасига кўзингиз тушади. Олти тарихий даврга оид ёдгорликлар харитада ранглар ва рақамлар воситасида ифодаланган. Икки ён тарафини тўтиб турган, XV-XVII асрга оид Самарқанд, Хива, Қўқон, Бухоро, Шахрисабз устуналари юртимизда қадимдан ҳунармандчилик ривож топганидан гувоҳлик беради.

Селунгур — Марказий Осиёдаги энг қадимги одамлар манзилгоҳи. Фарғона вилоятининг Селунгур қишлоғидан топишган қадимги тош қуруллар, Тошкент вилоятининг Қўлбулоғидан ҳамда Сурхондарё вилоятининг Тешиктош ғоридан топишган тошдан ясалган меҳнат қуруллари музей экспозицияларидан жой олган. Уларни томоша қиларкансиз, қадим аҳждоларимиз яшаган шарт-шароит, улар ҳаёти давомида қандай меҳнат қурулларидан фойдаланганликлари кўз ўнгимизда гавдаланади.

Ўзбекистон Республикаси Вазирлар Маҳкамасининг 1992 йил 21 апрелдаги қарорига мувофиқ мустақил илмий тадқиқот муассасаси сифатида қайта ташкил этилган бу масканга 1994 йили давлат музейи мақоми берилди.

Авалло, кишилик жамиятининг пайдо бўлиши, унинг ривожланиши тўғрисидаги илмий билимларнинг дастлабки манбалари, тарихий ёдгорликлар коллекцияларини тўллаш, уларни амалдаги мавжуд йўриқнома ва услубий қўлланмалар талабига мувофиқ ҳужжатлаштириш ҳамда тадқиқотлар олиб бориш, қайта таъмирлаш, уларни илмий асосда ўрганишда жаҳон фани ютуқларидан фойдаланиш, умумлаштириш, амалиётга татбиқ этишга кўмаклашиш, коллекциялар ҳисобини олиб бориш музей фаолиятини тўғри ва самарали йўлга қўйиш имконини беради.

Музей экспозицияси ва фонди материаллари асосида веб-сайтлар яратиш, кўргазмалар ташкил этиш, тадбирлар ўтказиш йўли билан ўзбек давлатчилиги тарихи, халқимизнинг маданий ёдгорликлари ва асрлар давомида олиб борган яратувчанлик ишларини тарғиб этиш бўйича мунтазам иш олиб боришмоқда. Шунингдек, бу ерда 250 мингдан ортиқ экспонат жамланган. Шундан 60 мингтаси археология, 80 мингдан зиёди нумизматика ва 16 минг этнографияга доир. Музейда 100 мингга яқин архив ҳужжатлари, китоблар сақланади.

Ўзбекистон тарихи давлат музейи-

нинг янги экспозицияси 2003 йилда халқимизнинг тарихи ва миллий давлатчилиги концепцияси асосида яратилган бўлиб, юртимиз тарихининг энг қадимги даврларидан бугунга қадар бўлган даврни акс эттирган. Шунга асосан энг қадимги замонлардан бошлаб, Ўзбекистон ҳудудларида кечган тарихий-маданий жараёнларнинг ривожланиб бориши, бу ерда шакланган цивилизациянинг жаҳон маданияти тарихида тугган ўрни ва аҳамиятини акс эттиришни мақсад қилган. Музей экспозицияси ўзида турли даврларни қамраб олган ўнта бўлимдан иборат.

Бу ерда, тарихимиз, халқимизнинг жаҳон маданияти ривожидagi бой маданий ҳафда интеллектуал мероси ҳақида ҳикоя қилувчи кўплаб экспонатлар билан танишдик, — дейди Сергели туманидаги 300-мактаб ўқувчиси Иззатбек Ширинов. — Навоий вилоятидан топишган сопол идиш, неолит даврига оид хумча ўша даврлардаёқ қулолчилик тараққий этганини билдиради. Музей экспозициясидан ўрин олган Сурхондарё вилоятининг Сополитепе ҳудудидан топишган тошдан ясалган тақинчоқлар, бронзадан ишланган кўзга ва тўгноғичлар, сопол ҳамда ёғоч буюмлар Ўзбекистон ҳудудида тарихий-маданий жараёнларнинг энг қадимги даврларидан бугунги кунгача бўлган тараққийини ашъвий далиллар орқали аниқлаш имконини беради.

Музейдаги нодир экспонатлар ёшлар дунёқарашини кенгайтиришга хизмат қилади, — дейди Миробод туманидаги 218-мактаб ўқитувчиси Умида Рўзиева. — Масалан, қадимда танга зарб этилмасдан аввал унинг ўрнида чиганалардан фойдаланилгани ҳамма учун бирдек қизиқарли бўлса керак. Илк тангалар, идишлар, уй-рўзгор буюмлари, турли даврларга оид экспонатлар ўша даврда инсоният тараққийининг янги маррасига қадам қўйилганидан далолат беради. Музейга ташриф буюрувчиларга бебаҳо ва бетакор экспонатлар ҳақида кенг маълумот берилиши ёшларни ватанпарварлик руҳида тарбиялаш, уларнинг миллий меросимизни ўрганишга қизиқишини кучайтириши билан аҳамиятлидир.

Бу маскандаги халқимизнинг ўрта асрларга оид буюк маданий мероси экспозицияси алоҳида ўринга эга. Айниқса, Амир Темури ва темурийлар даврига бағишланган бўлимда Соҳибқирон бобомиз ҳаёти ва фаолияти, айна шу давр ҳақида ҳикоя қилувчи кўплаб экспонатларни кўриш мумкин.

Музейда фан ва техника маркази гранти лойиҳалари асосида олиб борилаётган тадқиқотлар Ватанимиз тарихининг долзарб мавзуларига бағишланган. "Ўзбекистон тарихи давлат му-

зейи коллекциялари асосида "Тарихий ва маданий ёдгорликлар" электрон базасини яратиш" мавзусидаги тадқиқот иши бунга мисол. Бу лойиҳа натижасида музейнинг археология, нумизматика, этнография фондларидаги ашё ва коллекцияларнинг электрон маълумотлар базаси яратилган.

Музей коллекциялари асосида яратилган электрон маълумотлар кенг омма учун интернет орқали музей экспонатлари билан танишиш, музей экспозицияси, кўргазмалар фаолиятини ривожлантириш, музей фондидаги ашёлар ҳақидаги маълумотлардан фойдаланиш имконини беради.

Шунингдек, музейнинг нумизматика фондидаги коллекцияларда сақланаётган антик даврдан то XIX асргача бўлган ўн олти мингдан зиёд танганинг электрон маълумотлар базаси яратилган. Улардан антик даврга тегишли бўлган Греция, Вавилон, Юнон-Бахтрия, Кушон, жанубий ва ғарбий Сўғд, Парфия, Византия, Чоч ва бошқа даврларда зарб этилган тангалар, қозғ пуллар жой олган. Шунингдек, III-VIII асрга оид Турон тангалари устида тадқиқот олиб бориладганда Ўрта Осиёнинг пул муомаласи тарихида мис тангаларнинг ўрни ва аҳамияти борасида кўп янгиликлар юзга чиқди.

Ўзбекистон тарихи давлат музейи ҳамда Токио университети музейи ўртасида Ўзбекистон ҳудудида тош даври ёдгорликларини ўрганиш ва тадқиқ этиш бўйича беш йиллик келишув имзоланган, — дейди Ўзбекистон тарихи давлат музейи илмий ишлар бўйича директор ўринбосари Отабек Орифжонов. — Мутахассислар ҳозирда тадқиқот ишларини Қашқадарё вилоятининг Яққабог, Чирокчи, Навоий вилоятининг Нурота туманлари ҳудудидagi ўрта тош даври ёдгорликларини ўрганишдан бошлашди. Шунингдек, Китоб туманининг Аёққосчи қишлоғи ёнидаги Ангалак ғоридида тош даврига оид қадимги маданий қатламлар ана шундай сай-ҳарақатлар туфайли топишди. Тадқиқотлар доирасида юртимиз ҳудудидида тош даврига тегишли бўлган янги маълумотларни чоп этиш ва топишлар билан музей фондларини бойитиб бориш режалаштирилган.

Музей хорижда ўтказилган кўргазмаларда ҳам фаол иштирок этиб, мамлакатимиз тарихи, маданий меросини кенг тарғиб қилиб келмоқда. Айниқса, АКШ, Япония, Корея, Малайзия, Германия каби давлатларда ташкил этилган кўргазмаларда музей экспонатлари юқори баҳоланди. Мустақиллик даврида амалга оширилган кенг кўламли ислохотлар ҳақида "Мустақил Ўзбекистон — овоз ва обод Ватан" бўлимида маълумот олишимиз мумкин.

Музейни айланар экансиз, кўз ўнгимизда тарих жонланади. Ҳар бир музей ашёси бой ўтмишимиз ва ривожланиб бораётган бугунимизни намойён этади. Ўзбекистон тарихи давлат музейида бир марта бўлган инсон умумбашарий цивилизацияга муносиб ҳисса қўшган халқимизнинг юксак салоҳияти, тасаввур ва тафаккури, ўзига хос ноёб ғазилатиға гувоҳ бўлади. Зеро, биз яшаётган замин табарруқ, боболаримиз ҳаёти ибратли, келажак ҳаётимиз нурафшондир.

Улмас маданиятимиз ва санъатимизни ўзида жо этган нодир экспонатлар ёш авлодни дунёқараши кенг, мустақил фикрлайдиган, Ватанимиз ва халқимизга содиқ, қомил инсонлар этиб тарбиялашда муҳим ўрин тутлади.

Дилфуза РЎЗИЕВА,
"Milliy tiklanish" мухбири



ТИББИЙ МАСЛАХАТ

Шифобахш лой

Гил (лой) — қуёш нурларига тўйинган табиий маҳсулотлар сирасига қиради. У фойдали минералларга бойлиги боис организмни тозалаш ва яшартириш хусусиятига эга.



Лой заифлашиб қолган тана аъзолари ва тўқималарни кальций, темир, магний каби зарур моддалар билан таъминлайди. Боиси унда мавжуд минерал тузларнинг инсон организмга сингиши осон кечади. Бундан ташқари, лой ошқозон-ичак йўлларида қўқиб қолган захарли модда, хилт ва ортиқча кислоталарни инсон танасидан тозалашда ёрдам беради. Ушбу табиий маҳсулот ҳақида замонавий тиббиёт ҳам ижобий фикрда. Гил истеъмол қилган инсоннинг тахлил намуналарини текшириб кўрган олимлар унинг таркибидида бирорта ҳам фойдали минералларни топишмаган. Бу, эса, лойдаги барча минераллар организмга тўла-тўқис сингиб кетганидан дарак беради.

Гил энди ривожлана бошлаган бола организмни учун ниҳоятда зарур. Тана аъзолари, тўқима, суяк ва тишларнинг ҳосил бўлиши-ю қон айланишининг яхшиланишида лойнинг хизмати катта. Айниқса, камқон ва лимфа бези хасталиқларига чалинган болалар учун ундан яхшиси йўқ. Шунингдек, лой ёрдамида қандли диабет, жигар, ўт пуфағи, бўйрак, юрак ва қон-томир хасталиқларини даволаш мумкин. Бунинг учун тоза, иложи борида дориҳоналарда сотиладиган гилдан фойдаланган маъқул. Ичишдан олдин лойни кукун ҳолига келтириб, сўнг бир неча соат давомида қўёшда тоблаш лозим. Шундан сўнг, гилга озроқ сув қўшилади ва култуллаб истеъмол қилинади. Лойни иссиқ чой, қаҳва ёки шунга ўхшаш ичимликлар билан ичиб бўлмайди. У совуқ сувдагина ўзининг фойдали хусусиятларини сақлаб қолади. Гил мутлақо безарар бўлиб, уни узоқ вақт ва тез-тез ичиб туриш мумкин.

БИЛАСИЗМИ?

Японияда шундай йўл борки, у офислар жойлашган бино орасидан ўтади. Бино "Gate Tower Building" деб номланади.

* * *

Коала кун мобайнида 18 соатдан 22 соатгача ухлайди.

ТУРФА ОЛАМ

Қадимги ғор расмлари

Испания шимолидаги Эрлайц ғоридан тошга ўйилган қадимги расмлар топишди.

Ҳозирча ғор деворларида етти хил ҳайвон расми борлиги аниқланган. Тадқиқотчиларнинг айтишича, улар орасида от, қийик, арслон каби ҳайвонлар расми яққол ажралиб туради. Айни пайтда олимлар қолган расмларда нималар акс этганини аниқлаш устида изланмоқда. Гурӯҳ раҳбари Альваро Аррисабалаганинг таъкидлашича, ғордаги расмлар бир неча минг йил аввал тошдан ясалган асбоб-анжомлар ёрдамида бажарилган. Мутахассислар ғордаги расмлар сўнгги палеолит даврига оидлигини тахмин қилмоқда. Уларнинг фикрича, Испаниянинг маданий мероси ҳисобланмиш Эрлайц ғорига бегоналарнинг киришини чеклаш ва бу ердаги изла-нишларни янада кенгроқ олиб бориш зарур. Айтиш жоизки, бундай ғорлар Испанияда жуда кўп. Йил бошида мамлакатнинг Данболинсуло ғоридан шунга ўхшаш расмлар билан бирга ибтидоий одамга тегишли суяк қолдиқлари ҳам топишган эди.

Асаларичиликда яна бир қулайлик

Австралиялик асаларичилар ўн йиллик изланишлари натижасида бол йиғишнинг осон ва хавфсиз йўлини кашф этишди.



Бунинг учун улар махсус Flow Hive асалари қутисини ясашди. Қути технологик жиҳатдан анча такомиллаштирилган. Бундай қутидаги асал узоқ туриб қолмайди. Ундаги бол тезда қутининг пастки қисмида жойлашган идишга оқиб тушади.

Кашфиётчиларнинг айтишича, ана шу қутидан бир кунда 1,5-2 литргача асал олиш мумкин. Мухими, асал йиғиш жараёнида ҳеч ким жабр кўрмайди. Ҳозирда бундай асалари қутисини мутахассислар синчиклаб ўрганмоқда. Синов муваффақиятли ўтса, "Kickstarter" лойиҳаси асосида бундай асалари қутиларини кенг миқёсда ишлаб чиқариш йўлга қўйилади.

3.ЗОИРЖОНОВ тайёрлади

Ўзбекистон "Миллий тикланиш" демократик партияси Оҳангарон туман кенгаши партия фаоли Зиннатой Аҳмедовага турмуш ўртоғи

Абдусаттор АҲМЕДОВнинг

вафоти муносабати билан қучуқ таъзия изҳор этади.